



Tips importante pa
mayornan ora di scoge
unda ta laga yiu(nan)
durante vakantie di
Semana Santa

Pag.5

ABV a yama reunion urgente pa motibo di menasa di parti di directiva di HOH



Pagina 3

- **Embehecemento di poblacion “un tsunami” cu “lo tin efecto grave riba nos comunidad”**

Pagina 4

- **Afpakteam activo na aeropuerto priva**

Pagina 2


- **Proyecto eco-counter “lo midi e fluho di bishitantenan na e areanan natural di Aruba”**

Pagina 6

Deportistanan di Aruba a destaca den grandi den Weganan Interinsular na Bonaire



Pagina 17



Centro Famia
di Criansa
Arubano ta sigui
den e buskeda
di famianan pa
muchanan

Pagina 8

“Caminda di cruz” di 3.000 migrante a sali
pa pidi un miho politica di migracion



Pagina 10

18 edicion di Aruba Bank Walk and Run ta bay ta for di 20 te cu 23 di mei

Ayera tardi, oficialmente Aruba Bank a anuncia e edicion number 18 di Aruba Bank Walk and Run conhuntamente cu nan partners, esaki ta trata di 4 dia di e evento mas grandi riba isla unda nan ta enfoca riba movencion y salud.

E evento aki lo conta cu e participacion di 2.500 hende for di dia 20 te cu 23 di mei riba caminda pa cuatro dia, den cuatro diferente distrito unda ambiente semper ta presente y nan ta spera cu pueblo di Aruba lo uni na iniciativa aki un biaha mas.

Un di e partners di esaki ta IBiSA unda William Erasmus ken ta fungi como hefe di departamento di comunicacion a expresa cu nan ta forma parti di e organizacion di e evento aki e cual ta trata di un actividad grandi y ta cuadra cu e metanan di IBiSA cu ta promocion di movencion y salud na Aruba completo, esaki segun Erasmus, ta un actividad cu tin hopi participante riba caminda, e caredanan ta cuminsa 6.30 di mainta tur e cuatro dia y manera tur aña nan ta yuda den e parti di logistica y organizacion di e actividad, ademas pa loke ta trata seguridad, registracion cu ta bay ta disponibel na nan sede di Oranjestad y San Nicolas.

Roxanne Croes ken ta senior marketing officer di Aruba Bank a gradici Subway y IBiSA pa ta e partners principal di Aruba Bank Walk and Run unda e aña aki nan ta



bay cuminsa den distrito di Paradera, registracion ta bay habri dia 2 di mei pa 6or di

atardi pa e prome 2.500 participante segun loke el a informa y 2501 en adelante lo

keda riba lista di espera (wachtlijst). Ademas, el a menciona cu

registracion tin un costo di 25 florin unda participante por asisti na tur e cuatro caminata y careda, ademas lo haya nan dry fit T-shirt, BIB cu chip y promotional items.

E metodo di pago pa registracion ta lo siguiente: Por paga cu credit card, tambe por paga cu debit card na IBiSA Oranjestad of San Nicolas of por haci un transferencia na number di cuenta di Aruba Bank Walk and Run e cual nan ta bay publica riba nan Facebook page.

Pa dia 6 di mei nan ta cuminsa reparti e pakete na participan-tenan cu a registra y esnan cu lo participa den tur e cuatro dia tambe lo tin oportunidad di gana premio, como por ehemplo por gana 500 florin si ta participa tur e cuatro dia y lo haya un finish coin.

Lo tin top five den categoria di hende muhe y hende homber pa esnan cu ta participa den e careda y ademas lo tin medal prizes pa diferente categoria.

Comunidad di Aruba por marca e fechanan pa e gran evento dianan dialuna 20, diamars 21, diaranson 22 y diahuebs 23 di mei den districtonan di Paradera, San Nicolas, Sta Cruz y Camacuri. Lo publica informacion exacto ariba e Aruba Bank Walk & Run App, ariba www.arubabank.com y ariba nan Instagram y Facebook page.

Afpakteam activo na aeropuerto priva

Siman pasa tabatin varios control na aeropuerto priva. E controlnan integral aki tabata den man di Afpakteam, Interpol y UMM (Unit Mensensmokkal en Mensenhandel) y a tuma lugar den cooperacion estrecho cu AAA (Aruba Airport Authority).

Angeline Flemming, director di Health, Safety and Sustainability di AAA, a bisa: “E accionnan aki ta subraya e obhetivo di AAA pa promove operacionnan safe na aeropuerto. E cooperacion cu organismonan local y internacional encarga di mantene ley tabata excelente y e esfuer-sonan conhunto tabatin un impacto grandi. E frecuencia lo aumenta den e lunanan



venidero”. Afpakteam ta un asociacion

entre varios partner di investigacion, entre otro Ministe-

rio Publico, Polis, Aduanas, Unidad di Inteligencia Finan-

ciero (UIF), Marechaussee (KMar) y Guarda Costa.

Afpakteam a lanta na 2017 cu e obhetivo di combati delincuencia financiero subversivo na un manera mas eficiente, particularmente via prevencion y deteccion di actividadnan di labamento di placa y di kitamento di activonan obteni via crimen. E bienes cu a wordo kita ta bay den un fondo special di Aruba, cu ta sirbi pa lucha contra crimen.

Tur e partnernan a indica cu lo hiba mas control integral den futuro.

Pa tips y señalnan (di labamento di placa) puede comunica cu Afpakteam via tiplijn (11141).

ABV a yama reunion urgente pa motibo di menasa di directiva di HOH

ABV a yama reunion urgente pa motibo di menasa di parti di directiva di HOH

Ayera mainta, Arubaanse Bond van Werknemers in Verplegende Instellingen (ABV) a yama un reunion cu caracter di urgencia pa tur nan miembronan laborando na HOH. Gina Maduro, presidente di ABV, a elabora ariba e diferente punto di atencion cu a discuti durante e reunion urgente aki.

Durante e reunion, ABV y su miembronan a trece pa dilanti diferente punto. Un di e puntonan aki tabata e 30 minuut pauze cu a wordo introduci den e ultimo CAO. E 30 minuut pauze (eigen tijd) aki, antes e trahadonan no tabata tinele. E departamentonan regular si, pero trahadonan cu ta traha den cuidado, e tres shiftnan, no tabata tinele.

Maduro a remarca cu nan a premira cu esaki ta bay bira un problema, pasobra pa por introduci e pauze aki, mester tin suficiente personal, disposicion, cafetaria, luga di sinta, entre otro, pero nan no tin nada di esaki. "Nos no tin nada. Nos no tin cafetaria, nos no tin luga pa sinta drechi, tur hende ta krap. Nos no a bay dilanti cu e construccion, atras nos a bay," el a subraya.

El a resalta cu e esfuerso ta wordo exigi solamente di e trahado, pero di parti di dunador di trabao, nan no ta cumpliendo cune y eyan ta caminda cu departamentonan a cuminsa experiencia problema y a expresa nan malcontento.

Maduro a indica cu durante dia toch e ta manchable pa e trahadonan tuma e 30 minuut di pauze aki, pero ora cu e turnonan di atardi pa anochi, tin menos trahado, mester duna cuidado y no por laga ambulance cu ta bin cu trauma un banda. E trahadonan mester atende e pashent y no por djis bay pauze 30 minuut. Esey a pone cu hopi di e departamentonan, sobre todo OK (Operatie Kamer), mester cancela tur dia un OK pa e trahadonan por bay pauze.

"Bo tin cu pone OK plat, letterlijk plat, pa e hendenan por pauze. E ta costa placa, e ta bay na costo di e pashent, tin retraso y hendenan ta cay



afo di e programa. Esey ta e carta cu e trahadonan a trece dilanti," el a enfatiza.

El a splica cu e directiva di hospital a yama e trahadonan aki pa trek terug (hala atras) e carta completo, pero e trahadonan a bisa cu nan no ta bay trek e carta. E unico punto cu e trahadonan a indica cu nan por elimina ta e ultimo liña unda cu nan ta bisa cu nan no ta bay traha cu e comision, pero e resto nan ta para tras di dje pasobra, Maduro ta remarca, esey ta "hechonan y experiencianan" cu e trahadonan mes a pasa aden den e periodo cortico cu nan a introduci e 30 minuut pauze.

Maduro a sigui splica cu di-aluna atardi 3or dunador di trabao a subi hunto cu un grupo grandi di HR y managernan na camber di operacion y a bisa e trahadonan cu niun hende ta bay cas y cu nan tabatin te ayera 12or di merdia pa hala atras e carta cu nan a manda, y si no haci esaki nan tur ta wordo kita for di trabao pa motibo door di incumplimento di contract di trabao.

"Nan a menasa cu nan ta kita nan for di trabao, como 60 hende. Mayoria di nan ta local, cu tin hopi aña trahando na hospital. Trahadonan experiencia bo ta bin trata nan asina. Un hospital no por draai sin trahado. OK ta un departamento hopi esencial y mester di un OK. No por draai un hospital sin un OK," el a resalta.

Durante e reunion a trece pa dilanti tambe e punto di problema di construccion cu tin andando. Maduro a splica cu trahadonan ta kibra muraya y barancanan ta bin abao, locual a pasa siman pasa diahuebs. El a conta cu siman pasa diahuebs barancanan a

cay den e camber di espera di echo riba stoel cu hende ta sinta pa warda pa echo, un peliger pa tanto e trahadonan como e pashentnan cu mester warda pa nan echo.

El a enfatiza cu trahadonan den radiologia ta traha hopi preocupa pasobra nan ta traha pero nan no sa ki ora por tin un baranca ta cay riba nan.

"Nan ta traha den un sistema hopi insegur y pa nos como ABV esey ta prioridad cu dunador di trabao tin cu tene su

mes na dje. E prioridad mester ta na e seguridad di e trahado en bes di sinta intimidada e trahado. Nan prioridad ta robes," Maduro a subraya.

Despues cu e grupo di trahadonan a entrega un ultimo carta indicando cu nan ta trek aden e ultimo punto di nan carta, pero ta para tras di e tur e potro puntonan, riba cual directiva di hospital a contesta cu un ultimatum, Maduro a splica cu e ultimatum aki e abogado di e sindicato ta bay contesta indicando cu nan no

ta bay trek aden e carta pasobra e ta riba experiencia y hechonan cu e trahadonan ta biba y wak.

Maduro a indica cu tanto Minister di Labor, Glenbert Croes, Minister di Salud, Dangui Oduber, y mediador ta na altura di e situacion cu ta andando aworaki na hospital.

Por ultimo el a indica cu nan no a tende nada mas for di e director di hospital. Maduro a splica cu e sindicato a purba keda na mesa pa negosha, nan manda diferente comunicado, carta, e-mail, pa e directiva y nan a keda tur e tempo na mesa pa purba regla e situacion pa bin cu un solucion, pero directiva no ta contestando e cartanan. Te 15 di maart nan a contesta e cartanan di e sindicato y directiva ta keda riba nan ponencia.

"E siman aki nan a intimidada e OK team y esey a pone cu nos a sali a afo. Bo no por sigui tapa solo cu un dede. Menasa ta punto di orden akiden," el a finalisa.



Di dos edicion di Foro Nacional di Adulto Mayor

Embehecemento di poblacion “ta manera un tsunami cu ta biniendo y lo tin efecto grave riba nos comunidad”

E di dos edicion di Foro Nacional di Adulto Mayor a tuma luga ayera atardi na hotel Marriot na unda a trece dilanti un continuacion di e plannan cu a delinea na e prome foro na october di aña pasa, pa asina traha na interes di adultonan mayor.

Tabata dia 17 y 18 di october di aña pasa ora e prome Foro Nacional di Adulto Mayor a tuma lugar cu 135 stakeholder, durante cual 26 organizacion a firma un convenio nacional, a hancra nan compromiso pa sigui traha na bienestar di adultonan mayor, a identifica e problemanan y tambe a propone solucion. Ayera a presenta loke e organisacionnan a constata y kico ta e solucionnan cu por implementa tanto riba corto plaso como den plaso largo, segun minister di Asuntonan pa Adulto Mayor, Ursell Arends a expresa ayera.

Tur esaki lo bini den un rapport cu ta bay duna continuidad y guia na implementacion di loke nan a propone y con nan ta bay implementa esaki.

Minister Arends a señala cu



tin tres aspecto importante unda cu tur adulto mayor mester di cuida tanto na cas como na otro instancianan y tambe e continuidad di maneho. Unabes nan ricibi e presentacion, e ora ey nan lo tin un miho bista di kico tur nan a constata y kico ta proponi como solucion.

Den e foro aki tabatin como speaker un di e miembro di Intro Stuurgroep, Marion Agunbero, ken a splica cu nan trabao esencial a cuminsa den e prome Foro Nacional y ta practicamente zorg pa coordina tur e trabao di e otro gruponan, unda tambe tin combersacion constante pa haya feedback di nan. Nan intencion ta pa crea e rapport a base di tur reco-

mendacion di e gruponan aki, e ora nan lo bin cu consheonan integral pa Aruba.

“Nos punto di salida ta cu nos tin cu wak e tema aki for di un punto amplio y no por wak un tema specifico sino integral, tur cos ta conecta cu otro. Esey ta nos meta. Esaki ta un tema cu ta toca eigenlijk tur hende, directamente y indirectamente y lo afecta nos den diferente nivel. Embehecemento di e poblacion cu ta algo cu ta tumando luga, lo tin impacto riba con nos ta biba, pero tambe tin impacto riba mercado laboral, scolnan y otro. E ta hopi mas amplio di loke nos ta pensa y esey ta nos trabao, pa considera esey y tuma e accionnan necesario,” el a bisa.



A base di e discusionnan, nan a crea tres comision cu ta riba tres tema cu nan a identifica, por ehemplo, ora adulto ta yega na edad di pension con nan ta bay manifesta esaki. “Pa e motibo ey, nos kier encurasha e hendenan pa bay traha of kisas keda activo, no solamente fisicamente sino tambe mentalmente, esey tambe ta yuda y ta crea oportunidadnan, pasobra nos mester di mas hende pa sigui traha den futuro pasobra e grupo di hendenan pa traha ta birando mas chikito,” el a sigura.

Tin otro grupo cu ta enfoca riba e tema cu tin cierto hendenan cu mester di ayudo. Tin boluntarianan cu ta bay un cas di cuida durante dia, nan mester traha con nan ta bay mancha esey y kico mester. Ademas tin esnan cu door di situacion familiar mester bay un cas di cuida permanente, con nan ta bay sigui financia esaki y con grandi e hecho aki ta den futuro. “E ta interesante y ta cosnan cu nos tin cu bay pensa riba dje y sigui papia pa solucion’e, e ta manera un tsunami cu ta biniendo y lo tin efecto grave riba nos comunidad,” Agunbero a informa.

Segun cifra cu a muestra den e foro, e poblacion riba 60 aña na Aruba ta ekivalente na 26% di e poblacion total cu 28.361 persona, riba 65 aña ekivalente na 18% di e poblacion total cu 19.824 persona y mas di 80 aña di edad ta ekivalente na 4% cu 3.782 persona. Pa esaki, Dr. Israel Posner,

ken tambe tabata presente den e foro a trece dilanti cu ta importante pa considera e cantidad di hende cu tin riba 60 aña na Aruba cu den un tempo di 10 aña ta bay bira dobel. Ademas el a sigura cu mester ta realistico cu tasa di nacemento ta hopi abao. “Antes bo tabata haya un famia cu tabatin 10 yiu, awendia nan tin 1 of dos yiu, esey ta un famia normal. Mester considera cu di un banda hendenan ta birando mas grandi y di otro banda, no tin hendenan cu ta nace, e ora ey ken ta bay cuida e hendenan grandi ora mester?”

Ademas, Dr. Posner a comenta cu Aruba tin otro problema adicional cu ta e desaroyo di e isla, hopi hotel, hopi restaurant, hopi industria cu mester di hende y no tin hende pa traha, ni pa cuida. “Kiermen e cos mas importante ta pa realisa cu nos tin un problema y cu tin necesidad di haci algo riba dje, cu mester bin cu solucionnan posibel y stapnan cu nos por tuma pa mengua e crecemento aki.”

Pa finalisa, el a declara cu comunidad mester percura pa biba mas saludabel posibel y cu ora lo bira grandi di edad por ta un hende sano y activo, na Hulanda, manera e ta señala, tin 18 miyon hende pero nan tin mas cu 2.000 hende cu ta mas bieu cu 100 aña y cu ta cuida nan mes, ta mas activo, ta core bais, entre otro, Aruba mester purba logra algo asina tambe.

TA ANUNCIA

Relaciona cu celebracion di
Semana Santa

Ta participa cu **NO** lo tin edicion regular di Bon Dia y Aruba Today riba 29, 30 di maart y 1 di april, 2024.

Pa e motibo aki ta hasi un suplica na tur esunnan cu ta desea di publica aviso den **Bon Dia y Aruba Today** pa diamars 2 di april pa por favor entrega esaki no mas laat cu diahuebs 28 di maart prome cu 5’or of sino email na aviso@bondia.com

Gerencia



*Speranza,
gratitud y
fe...*

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroe (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Tips importante pa mayornan ora di scoge unda ta laga yiu(nan) durante vakantie di Semana Santa



Recientemente, Gobierno di Aruba a decreta luna di april como luna nacional di conscientisacion pa abuso di mucha. Esaki pa trece conscientisacion ariba e problema aki y pa haci un yamado na henter pueblo di Aruba pa para keto na e problema aki cu ta afecta e muchanan.

Cu vakantie di Semana Santa den porta tambe, ta importante pa haci otro yamado na sobre todo e mayor- y voogdnan di e muchanan pa tene cuenta na unda ta laga nan yiunan durante dia, durante e dianan cu tin vakantie pa evita cu negligencia, abuso emocional y/of abuso sexual

tuma luga.

Diferente fundacion cu ta enfoca ariba bienestar di mucha ta ofrece tips na mayornan pa tene cuenta cu algun punto di hopi importancia na momento di scoge un camp di vakantie pa e yiu of e persona cu lo wak pa e mucha mientras cu e mayor ta traha.

Prome cu tur cos mayornan mester papia cu e mucha y tin un bon comunicacion cu e mucha. Puntra e mucha kico ta su interesnan, kico e ta desea di haci durante vakantie y si e ta sinti comodo cu e persona(nan) cu e ta bay cuid'e.

Den caso cu e mucha expresa algun emocion negativo contra di algun persona of actividad specifico, ta importante pa e mayor investiga un poco y puntra e yiu kico ta e motibo cu e tin e sentimentonan ey pa e persona of e actividad specifico.

Den caso cu e mayor tuma e decision pa scoge un vakantie camp pa e mucha pasa su dianan di vakantie, tin algun punto importante pa tene cuenta cune. E mayor mester puntra cuanto mucha e camp ta tuma, cuanto lider tin pa mucha, si tin camara di seguridad, si tin algun momento durante dia cu e mucha ta su so of si e ta keda su so cu algun adulto.

Tambe ta bon pa puntra kico ta e actividadnan cu tin plania pa haci durante e siman y ta esencial tambe pa puntra kico ta e protocolnan di seguridad cu tin na luga den caso cu tin emergencia y si e lidernan tin certificacion den prome auxilio.

Durante e dianan aki ta importante tambe pa mayornan comunica bon cu nan yiu. Tene un combersacion cu e mucha sin ningun distraccion pa puntra con e dia a bay, kico nan a haci durante dia y si tabatin algun problema of momento di incomodidad pa e mucha.

Prevencion di cualkier tipo di abuso ta cuminsa na cas y mayor- y familiarnan mester

ta atento na e posibel señalnan cu ta indica cu e mucha por a experencia algun tipo di abuso.

Riba rednan social ciudadanonan tambe a haci yamado na mayornan pa tene cuenta unda nan ta scoge pa laga nan yiunan durante e dianan di vakantie.

“Bon dia. Mi kier haci un yamado na henter e pueblo di Aruba pa tene hopi cuidao na unda bo ta laga bo yiu. Tin hopi pedofiel na Aruba y nan ta probecha pa abusa di e muchanan ora nan ta hunga cu e mucha, na camp, na e diferente actividad. Please no laga bo yiu ni un caminda si bo no ta wak cu e mucha ta sigur, no lag'e,” un usuario a publica ariba un pagina popular di e red social Facebook.

E persona ta sigui indica cu si e mucha ta bay un actividad, pa e mayor of responsable di e mucha tuma number di e persona cu ta bay cuida e mucha. E ta enfatisa tambe e importancia pa e mayornan papia hopi cu nan yiu pa no laga niun hende mishu cune.

“Si ora bo laga e mucha un caminda y bo wak e mucha tin un comportacion diferente, cu e ta sinti tristo of tin miedo, tene hopi cuidao cu esey. Si boso conoce un luga cu algo a pasa cu algun mucha please informa otro mayor pa no hiba su yiu eynan. Danki,” e usuario a finalisa.



Proyecto eco-counter “lo midi e fluho di bishitantenan na e areanan natural di Aruba”

Aruba Tourism Authority (A.T.A.) ta anuncia cu a firma acuerdo di un año cu Fundacion Parke Nacional Aruba (FPNA). Cu e acuerdo strategico aki, A.T.A. ta reafirma su compromiso pa sigui traha di cerca cu FPNA como un sosten mutuo pa cu esfuersonan continuo den proteccion y preservacion di nos naturalesa.



A.T.A. ta reconoce cu e necesidad pa enfoca riba un desarrollo turistico duradero y sostenibel ta di suma importancia como un esfuerzo comun. Uniendo forsa, nos por garantiza cu nos pilar economico principal ta keda un fuente di entrada vital pa e añanan binidero. E vision di A.T.A. ta basa riba e modelo di ‘High Value – Low Impact’ cu ta para pa un balans entre cuater pilar cu ta e ‘Calidad di Bida di e residente’, ‘Calidad di Experiencia di e Bishitante’, Proteccion y Preservacion di Naturalesa & Medio Ambiente, y Contribucion Economico di e Sector Turistico’. Pa hopi aña caba A.T.A. ta

provee sosten na FPNA pa cu inversionnan den proyectonan unda turismo y naturalesa por coexisti. Ademas A.T.A. lo sigui pone fondonan disponibel pa manencion y renobacion di diferente sitionan turistico, asina mehorando seguridad, accesibilidad y experiencia di e local y bishitantenan di e isla y alabes maneha e impacto di e bishitantenan riba naturalesa. E acuerdo cu a firma ta enfoca riba proyectonan infraestructural, manera e proyecto di manencion di railing, trapi y otro facilidadnan na entre otro Conchi, Dos Playa, Boca Prins, Grot Fontein y Grot

Quadirikiri den Parke Nacional Arikok, y tambe lo coloca “boulders” na saliña Malmok pa limita trafico.

Como e entidad encarga cu maneho y mercadeo di nos isla, A.T.A. lo asisti tambe den promocion corecto di experianan autentico den y rond di e areanan cu ta resorta bou di FPNA. Particularmente lo percura pa alineacion den esfuersonan di comunicacion, lo enfoca riba codigo di conducta informando bishitantenan di entre otro reglanan y ley, y lo brinda mas informacion y educacion referente nos par-



hanan y nos naturalesa.

A.T.A. lo pues sigui traha di cerca cu FPNA pa maneha bishitantenan di un manera cu ta minimalisa daño na naturalesa y medio ambiente mientras ta promove sostenibilidad. Esaki mescos cu a bin ta haci, unda entre otro a inverti den Mangel Halto, y tambe a coloca “boulders” na Sasarawichi.

E colaboracion strategico aki ta nifica tambe cu A.T.A. lo obtene informacion y data mas concreto di bishitantenan a traves di un proyecto nobo cu lo lanza otro luna, esta e eco-counter cu lo midi e fluho di bishitantenan na e areanan natural di Aruba y habilita pa adapta maneho den futuro. A traves di instalacion di Eco-Counter na diferente localidadnan cu trafico halto di bishitante, A.T.A lo por provee data cu lo yuda cu mihor planificacion. E Eco-counter ta ofrece un solucion cu ta conta y analisa peaton a traves di un scan cu ta garantiza e privacidad di bishitantenan. E areanan cu lo mira instalacion di e Eco-counter ta inclui Conchi, Grot Fontein y Spaans Lagoen, pa cuminsa, cu ta cay bou di maneho di FPNA.

“Nos ta sumamente entusiasmo pa sigui colabora cu FPNA den nos mision mu-

tuo pa preserva y proteha nos tesoronan natural y nos medio ambiente. Esaki ta un paso importante pa nos comunidad y turismo di Aruba den su totalidad. E acuerdo di colaboracion aki ta cubri un total di mey miyon florin cu ta inverti pa duna sosten y realse na e causa comun y ta un muestra di compromiso entre A.T.A. cu FPNA, un compromiso cu ta angra den A.T.A. & FPNA su plan di maneho multi anual”, tabata palabranan di CEO di A.T.A. Ronella Croes na e ocasion aki.

“Fundacion Parke Nacional Aruba como un organizacion independiente di maneho di conservacion di naturalesa den areanan terrestre y marino na Aruba ta sumamente contento di por firma un acuerdo di colaboracion cu A.T.A.”, Tyson Lopez, Chief Executive Officer, FPNA ta comenta. E colaboracion lo reforsa FPNA su direccion manera ta poni den nos Multi Annual Corporate Strategy 2023 – 2032 di traha pa yega y atrae un tipo di turismo cu ta mas conciente di nan impacto riba naturalesa door di informa, educa y ofrece experianan sostenible cu ta crea e transformacion den nos bishitantenan cu tin un aprecio sosteni y un sentido di responsabilidad pa naturalesa.

SETAR ta contento di partner cu Aruba Scholarship Foundation



Recientemente SETAR a haci un donacion na Aruba Scholarship Foundation pa brinda nos studiantenan cu ta bay studia na Merca, Canada of den region e oportunidad pa ricibi un beca. Cu e donacion aki, SETAR ta compromete su mes cu e enseñansa di nos hobennan y e

crecimiento profesional di nos studiantenan cu ta nos futuro profesionalnan.

Aruba Scholarship Foundation a wordo funda na 1989 y ta un fundacion completamente independiente cu ta otorga beca cu fondo ricibi di fundraising y donacion tur aña pa e estudiante por sigui

un estudio superior acredita den exterior. E becanan ta completamente complementario banda di e studielening di Aruba.

Desde su existencia Aruba Scholarship Foundation a otorga mas cu 100 beca den diferente ramo.

LOTTO 5 Afl. **150.000,-** Cuminsando cu 4 florin, bo por gana e suma grandi aki

Obtenibel na cualkier rebendado di Lotto. sorteo ta awe nochi 7:45 pm



Estudio enorme ta confirma cu Viagra ta reduci riesgo di Alzheimer's cu mas di 50%

Estudio enorme ta confirma cu Viagra ta reduci riesgo di Alzheimer's cu mas di 50%

(ScienceAlert) – Un farmaceutico aproba pa FDA pa trata disfuncion erectil pronto por keda recomenda como un terapia pa reduci riesgo di malesa di Alzheimer.

Door di analisa data di seguro medico hunto cu un investigacion di laboratorio riba e efectonan genetico y neurologico di sildenafil – un remedi bendi comunmente bao di e nomber Viagra – investigadornan na Merca a valida e potencial di e remedi den stop proteina critico den celnan nervioso di lora entre otro formando un desaster mortal.

Estudionan ripetidamente a demostra cu blockernan di enzym yama phosphodiesterase (PDE) inhibitor no solamente tin un habilidad pa promove fluho di sanger den e penis, sino tambe por preveni e neuro-degeneracion

responsable pa demencia.

E potencial aki por no ta asina sorprendente, mirando cu PDE ta conoci pa ta involucra den e camindanan di señal di nervio cu ta influencia neuroplasticidad. Investigacionnan anterior riba modelonan animal a muestra cu e inhibidor PDE, sildenafil, ta reduci e phosphorylation excesivo di proteina 'tau' den celnan nervioso cu ta causa cu nan ta forma 'toxic tangles', yudando mehora memoria y salud cognitivo.

Sinembargo, no tur investigacion ta asina positivo, cu algun estudio fayando pa nota un efecto riba nivel di poblacion en absoluto. Y mientras e remedi por tin un efecto riba nivel neurologico, e mecanismo tras di e proceso aki ainda no ta comprondi completamente.

Investigadornan na Merca a usa cultura di cel di neurona crea for di stem cell dona pa pashent di Alzheimer's pa traha un mapa di e actividad

metabolico y genetico tras di e efectonan terapeutico di sildenafil.

Despues di cinco dia di tratamiento, e neuronanan crea den laboratorio a produci nivelnan significativamente abao di proteina tau cu concentracionnan excesivo di phosphorus agrega, confirmando e rol di sildenafil pa protege celnan cerebral.

Un lectura di mensahenan produci pa DNA di e celnan a haya centenares di cambio den expresion di gen, hopi involucrando e structuranan di inflamacion, kiebren den comunicacion entre nervio, y guia di cel nervioso.

Mientras cu estudionan adicional ta bay ta necesario pa descifra exactamente con e influencianan sutil aki por ta involucra den e patologia tras di Alzheimer's, compronde e famianan genetico principal afecta pa sildenafil ta provee un fundacion solido pa compronde pakico e ta traha y talbes pakico algun cerebro ta desaroya Alzheimer's.



Un di dos característica di e estudio a usa AI pa busca señal di sildenafil trahando na nivel di poblacion. Estudionan anterior a usa data di seguro medico pa haya cu sildenafil ta reduci riesgo di malesa di Alzheimer pa alrededor di 60 por ciento.

Sinembargo, esakinan a depende riba un solo base di dato di seguro, potencialmente fayando den variable cu por revela un conclusion diferente. Ademas, e estudionan aki a sugeri cu pashentan ricibiendo tratamiento pa presion halto den pulmon – hipertension pulmonar (PH) – no a mira e mesun reduccion den riesgo di demencia.

E investigadornan a inclui cuatro tratamiento prescribi comunmente pa PH den nan analisis di data, no solamente confirmando cu sildenafil a reduci riesgo di Alzheimer's cu alrededor di 60 por ciento,

pero hayando cu el a reduci riesgo den hende cu hipertension pulmonar toch.

Mientras sildenafil ya tin aprobacion di FDA pa disfuncion erectil, demostra su seguridad y efectividad pa reduci riesgo di Alzheimer's por duna autoridadnan di salud un manera rapido p atende lora ta muestra como un aumento den demencia. Poblacionnan embeheciendo na mundo por spera cu e cantidad di individuo bibando cu demencia lo casi duplica cada 20 aña, di menos cu 80 miyon fin di e decada aki na casi 140 miyon pa mita di siglo. Si ya nos tin un pildo cu por baha e cantidad aki, investigacion asina ta bay ta vital pa proba su balor.

E investigacion aki tabata publica den Journal of Alzheimer's Disease.

Kimiconan den hogar ta un menasa pa salud cerebral, segun estudio

(UPI) –Hopi kimico usa den hogar, incluyendo esnan den tratamiento pa cabey, spray pa mueble y desinfectante, por ta un riesgo pa salud cerebral y por ta vincula na malesa neurologico manera sclerosis multiple y autismo, cientificonan a reporta ayera.

Un estudio di e Case Western Reserve University School of Medicine basa na Ohio, Merca, publica den Nature Neuroscience, a haya cu 292 di e 1,823 kimico comun examina tabata venenoso pa un tipo special di cel cerebral yama oligodendrocyte, cu ta crea insulacion protectivo rond di celulanan nervioso.

Dr. Paul Tesar, investigador principal di e estudio, a bisa cu perdida di oligodendrocytes ta e base di sclerosis multiple y otro malesa neurologico, y cu awo nan ta muestra cu kimiconan specifico den productonan di consumidor ta dañá oligodendrocytes directamente, representando un factor di riesgo anteriormente no reconoci pa malesa neurologico.

E estudio, cu a usa raton, ta nota cu problema neurologico ta afecta miyones di persona, pero apenas un fraccion di e casonan aki ta atribui na genetica, agregando cu "factornan ambiental desconoci ta contribuidornan importante na malesa neurologico."

E estudio ta punta riba mayor uso di productonan manera spray desinfectante den bida diario desde pandemia di Covid-19, y cu hende ta exponi mas regularmente na toxinan potencial. Tambe ta nota cu hopi producto electronico y di mueble tambe ta contene toxina asina cu hende ta usa diariamente.

Autor lider di e estudio a bisa cu oligodendrocytes – pero no otro celnan di cerebro – ta "sorprendentemente vulnerable pa substancianan kimico (quaternary ammonium compounds y organophosphate flame retardants) usa den productonan diariamente pa un variedad di



proposito y motibo.

Un estudio di 2019 a bisa cu stof na cas por contene kimiconan toxico usa pa un variedad di aparato diario, electronico of no. Esaki a yega casi tres aña despues di un estudio separa na 2016 di hogarnan na 14 estado di Merca cu a identifica 45 kimico potencialmente toxico den stof na cas.

Na 2018, un estudio diferente tambe a vincula e uso di cierto kimico na cas of industrial na daño na riñon door di

exposicion na cuminda awa y aire contamina, mientras otro estudio e mesun aña a bisa cu productonan di hogar probablemente ta contribui na contaminacion di aire mesun hopi cu vehiculo di gasolin.

E team di investigacion di e estudio nobo aki, cu a inclui miembronan di Agencia di Proteccion Ambiental (EPA) a bisa cu mas investigacion ta necesario pa determina e impacto completo y efecto di e kimiconan aki riba e salud general di cerebro.

Parlamentario ta trece dilanti preocupacion pa standard di higiena den sector di hospitalidad


(CuraçaoChronicle) - Miembro di Parlamento Giblert Doran ta preocupa tocante e nivelnan di higiena den e sector di hospitalidad.

Pa e motibo aki, el a propone pa e Committee for Public Health, Environment and Nature di parlamento organisa un reunion cu e compania Service HACCP Safety Curaçao. E kier pa representantenan di e compania atende e aspectonan di higiena den e industria di hospitalidad.

Segun Doran, preocupacionnan tocante con safe e cuminda ta, ta keda aumenta, specialmente ora ta trata di e proceso di preparacion di e cuminda unda segun e miembro di parlamento, eronan ta tuma luga frecuentemente. E ta boga pa companianan opera segun un plan di siguridad di cuminda, un 'Food Safety Plan.'

Service HACCP Safety Curaçao a ser estableci dia 10 di juli den aña 2016, cu e meta di asisti y duna conseho na localidadnan cu ta bende,

procesa of distribui cuminda. Esaki ta inclui restaurantnan, hotelnan, panaderianan, piscadornan cu ta bende banda di caminda y bendedornan di fruta y berdura, bar di snack y bendedornan di cuminda durante eventonan di carnaval of otro actividadnan. Internacionalmente, e paisnan manera Merca, Hulanda y otro paisnan Europeo usa e sistema di Hazard Analysis Critical Control Point (HACCP). Sinembargo, e sistema aki te ainda no ta angra den e legislacion local na Corsou.



Sindicatonan na Corsou ta cuestiona dicon Van Huffelen no a papia cu nan



(CuraçaoChronicle) - Sindicatonan na Corsou ta sumamente desapunta cu nan no por a papia cu Secretario di Estado Alexandra Van Huffelen durante su bishita na e isla siman pasa. Kenneth Valpoort, un miembro di National Dialogue, cual ta representa e sindicatonan, a declara esaki.

Van Huffelen extensamente a

papia tocante e progreso di e reforma di leyman social y di labor riba e isla cu e minister di SOAW. Tambe el a reuni cu negociantenan local. E sindicatonan tambe tabata kier a sinta cu Van Huffelen pa motibo cu nan ta exigi cu mester tin proteccion suficiente pa e clase cu ta traha den reformanan social. Nan ta lamenta cu no tabatin espacio pa discusion.

Pa un tempo caba, e sindicatonan no a ricibi ningun informacion for di e gobierno den National Dialogue tocante e reforma. Haciendo e situacion pio, Van Huffelen a declara durante e conferencia

di prensa na Corsou cu tin un necesidad di sigui reforma social y cu e tin dialogo extenso cu Minister Ruthmilda Larmonie-Cecilia di SOAW tocante e aspecto di reforma y siguridad social cu mester

provee den e mercado laboral.

E sindicatonan tambe kier participa den e dialogonan, Valpoort a splica.

Ta urgi Corsou stop di atrae consumidornan di Australia den casinonan online

(CuraçaoChronicle) - E vigilante di media ta continuamente urgi autoridadnan na Corsou para e atraccion di consumidornan na Australia di parti di casinonan online mientras e ta expande su blacklist di operadornan.

Entidadnan di wega di placa fuera di e pais awo ta prohibi di dirigi nan servicionan na Australianonan. Un porcion importante di casi 1,000 website a ser restringi pa e vigilante cu tabatin licencia na Corsou, cual a bira un 'hotspot' pa casinonan online a causa di poco monitoreo. Segun e vocero di Australian Communications and Media Authority (Acma), e agencia tabatin dialogo tocante e investigacionnan tocante e servicionan individual licencia na corsou desde cu a tene e reunion den juni cu e regulador pa establece contacto. E vocero a enfatisa cu Acma ta traha cu curpanan regulatorio den exterior pa yuda den preveni y stroba servicionan ilegal.

E reunion den juni a ser causa pa un keho di Acma haci na

Corsou su minister di finanzas, Javier Silvania, tocante aproximadamente 90 casino online cu aparentemente ta sigui atrae consumidornan Australiano apesar di advertencia di problemanan legal. Desde e tempo aki, Acma a agrega varios website di wega di placa, tambe basa na Corsou, na su blacklist. Apesar di esaki, algun di e websitenan aki ta permanece operacional, promoviendo nan mes como e "miho website di casino online Australiano" y ofreciendo "bonus di bon bini" lucrativo di te hasta 2,650 dollar.

Corsou actualmente tin 4 compania cu licencia di wega di placa master cu ta otorga sub-licencia na operadornan fuera di e pais. Sinembargo, tin un bista limita di e proceso aki y e transparencia tocante e doñonan di e sub-licencianan y nan localidad fisico. Acma ta kere cu e companianan aki no ta responsabel.

Den respuesta na Acma su preocupacion, Corsou ta pasando door di reforma den e industria aki. Un entidad nobo, Curaçao Gaming

Authority, pronto lo duna licencianan basa riba un compania su record y esunnan cu tin licencia master no lo ser permiti duna sub-licencia pa un tarifa.

Curaçao Gaming Control Board a expresa cu nan ta dispuesto pa colabora cu e regular Australiano y a sigura cu nan ta tuma ofensanan serio y lo tuma accion necesario pa para esaki. E regulador lo asumi mas control y bista di e licencianan for di maart 31, segun un actualisacion cu a provee na e industria di wega di placa online anteriormente e luna aki.

Curaçao Gaming Control Board tin e meta di mantene un industria di gaming practicamente liber di crimen, sigura cu esunnan cu tin licencia ta opera hustamente y transparentemente y protecha e hungadornan vulnerabel, incluyendo menor. Aplicantenan y esunnan cu tin e licencia ta premira di haci esfuersonan rasonabel pa cumpli cu e ley y guianan di sancionnan financiero den e paisnan unda nan servicionan ta evalua.

Onder curatelestelling

Bij beschikking van 5 september 2023 behorende bij AUA 202300546 EJ van het Gerecht in Eerste Aanleg van Aruba, is onder curatele gesteld de heer Edwin Benito Geerman, geboren op 12 augustus 1962 in Aruba. Benoemd als curator is zijn neef, Albert Alexander Geerman geboren op 20 juni 1984 in Aruba en wonende in Aruba.

De curator,
A.A. Geerman



ANUNCIO

ANUNCIO IMPORTANTE

Nos kier anuncia cu desde e siman aki nos muebles nan manera:

- **KASHI PANJA • LESSENAAR**
- **COMMODES • TV STAND**
- **BOEKEN KAST**

Tur ta disponibel na nos Warehouse na Meiveld den Show!

- **TUR CORCHON • KASHI PANJA**
- **CAMA CU NIGHTSTAND**
- **MESA DI COMMEDOR**

Ta keda disponibel na nos Showroom na Schotlandstraat 46



Check nos riba social media like y follow

Orario: dialuna pa diabierna 9 - 6pm - Schotland str. 46 tel. 280-6080

• **Warehouse Meiveld 3A-1 tel. 582-1671 •**



699-5511

Miyones cu gobierno a inverti den scolnan cu desbentaha te ainda no ta yudando



(NLTimes) - E 375 miyon euro cu e gobierno a inverti den haci scolnan den barionan cu menos prosperidad mas atractivo pa docentenan te ainda no a

duna resultado, Netherlands Bureau for Economic Policy Analysis (CBP) a bisa den un rapport publica diamars.

Den e aña escolar di 2021 pa 2022, e prome dos añanan cu e cantidad aki lo cubri, e inversion no tabatin “ningun efecto grandi riba e retencion, entrada of salida di docentenan na e scolnan aki. Tambe nan no a traha mas oranan,” CPB a bisa.

E zakgeld aki tin e intencion

di reduci e falta di igualdad di oportunidad entre muchanan den diferente scolnan y yuda traha riba e atraso crea pa e pandemia di coronavirus. Investigacion haci anteriormente a demostra cu e scolnan den barionan cu menos prosperidad cu studiantenan y tin necesidad mas atencion ta lucha hopi mas cu e escasez di docente compara cu districtonan cu mas prosperidad.

Mientras e zakgeld no a duna

resultado den mas docente pa scolnan den “desbentaha”, si el a resulta den un aumento di salario pa e docentenan cu ta traha aki, CPB a splica. Nan averahe di pago pa ora a aumenta cu aproximadamente 6.5 por ciento mas cu e coleganan na scol cu no ta ricibi e zakgeld. E agencia a agrega cu ta “demasiado trempa pa yega na un conclusion tocante e efectividad” di e zakgeld. “E medida a ser anuncia poco prome cu el a drenta den efecto. Scolnan y docen-

tenan posiblemente a reacciona diferente na e medida si e lo a ser anuncia prome. E naturalesa temporario di e medida posiblemente tambe ta influencia con efectivo e ta,” CPB a bisa.

CPB lo monitor e efecto di e zakgeld un biaha mas na momento cu e tin data di e aña escolar 2022/2023. “E estudio ‘follow up’ aki lo provee un imagen mas completo di e efectonan.”

Tabatin alrededor di 30,600 adulto sin cas aña pasa na Hulanda

(NLTimes) - Na Hulanda, un calculacion di mas o menos 30,600 persona entre 18 pa 65 aña no tabatin un dak riba nan cabes aña pasa. Esaki ta mas cu den aña 2022, ora cu mas o menos 26,600 persona den e categoria di edad aki tabata den e mesun situacion.

Sin embargo, a causa di margen di incertidumbre, e ta demasiado trempa pa papia di

un aumento, CBS a reporta. “Desde aña 2018, e cantidad di persona sin cas entre 18 pa 65 aña a disminui continuamente,” investigador di CBS Tanja Graag a reporta. “Bo por bisa cu por lo menos e disminucion aki a stop of cu e cantidad di persona sin cas a estabilisa.”

Secretario di Estado Maarten van Ooijen di Salud Publico, Bienestar y Deporte a yama

e aumento di e cantidad di persona sin cas “hopi preocupante, inaceptabel y e opuesto di loke nos kier.” E no ta haya cu ta demasiado trempa pa papia di un aumento, manera CBS ta pensa.

Un motibo preciso pa e pausa den e disminucion ta dificil pa duna. “Pero tin problemanan cu por hunga un rol, di mesun manera cu e problemanan actual cu facilidadnan y vivendanan pa empleadonan



migrante,” Traag a bisa. Di e personanan sin un cas aña pasa, 8 por ciento no tabata naci na Hulanda pero den otro pais Europeo. Den aña

2022, esaki tabata 5 por ciento. “E no ta nifica cu nan tur ta empleado migrante pero e ta obvio cu e no ta hunga un rol.”

“Caminda di cruz” di 3.000 migrante a sali for di sur di Mexico pa pidi un miho politica di migracion

(EFE) – Un “Caminda di cruz Migrante” cu 3.000 persona di 15 nacionalidad a sali for di frontera sur Mexicano dialuna ultimo, cuminsando Semana Santa, rumbo pa capital di e pais y asina exige miho politica di migracion memey di tension pa campananan presidencial na Mexico y Merca.

Na comienso di e caminda di cruz, e pastoor Heymann Vázquez Medina di Ciudad Hidalgo, ubica na frontera di Mexico cu Guatemala, a pidi pa caba cu extorsion, hortamento y asesinato di migrantenan.

E sacerdote a considera cu politica migratorio di Mexico no ta aclaria pakico no ta resolve e proceso di regularizacion y ta impedi e migrantenan pa subi un transporte publico pa avansa den nan caminda pero si ta laga nan cana den careteranan na unda te detene nan pa despues deporta nan.

E caminata a sali trempa



mainta cu destino na localidad Alvaro Obregon, na estado di Chiapas, como e prome parada. E grupo di stranheronan ta e di dos movimiento di e añ aki cu ta sali for di frontera sur cu apoyo di Iglesia Catolico local.

Luis Rey García Villagrán, coordinador di Centro di Iden-

tificacion Humano (CDH), ken normalmente ta acompaña e migrantenan, a critica cu Gobierno Mexicano no a resolve e crisis humanitario causa pa migracion.

“Migrantenan no tin otro opcion of sali canando den grupo of subi den un container,” el a sostene.

E caminata di e migrantenan,

segun el a agrega, “ta representa un dolor di e trama di migrante cu kier yega Merca.”

E caminata ta avansa memey di fluho migratorio na Nort America, na unda migracion irregular detecta pa Mexico a subi na 77% na 2023, superando 782.000 persona, segun

Unidad di Politica Migratorio di Secretaria di Gobernacion.

Mientras cu Oficina di Aduana y Proteccion Fronteriso di Merca, siman pasa a publica cu na februari a detene 140.644 migrante na frontera cu Mexico, casi 16.000 mas cu na januari.

Migrantenan di caminda di cruz a pidi pa stop e discriminacion debi na campaña presidencial na Mexico y Merca, na unda presidente Mericano, Joe Biden y su antecesor Donald Trump (2017-2021) cu ta aspira na reeleccion cu Partido Republicano, a priminti cera frontera y pone mas restriccion pa migracion y asilo.

“Nos ta marcha pa un futuro miho pasobra nos ta menasa, nos no ta nada den comunidad aki, na e pais aki, loke nos kier ta pa cana, marcha y yega na e tera priminti, manera pueblo ta bisa,” e dominicano Pozo Valdez, ken tambe ta un pastoor religioso a bisa.

A crea un programa di AI pa preveni catastrophe ambiental na Argentina

(La Nacion) – Crea pa un movimiento ambientalista cu magistrado di Corte Supremo, Ricardo Lorenzetti a inspira a traves di su buki “El Nuevo Enemigo,” Terra ta e activista ambiental Argentino crea cu AI cu ta busca “evita catastrophe ambiental.”

E creacion aki tin un “tratamiento artistico di bira real cu ta permitiele convivi simultaneamente na tur dimension diseña pa sernan humano.

E proyecto a cuminsa mas cu dos año atras for di ideanan di e buki di e magistrado Lorenzetti, cu ta propone “un yamada na accion ambiental conhuntito” y cooperacion entre sectornan como ciencia, husticia, religion, educacion, politica, economia, cultura y sociedad, “for di un version holistico.”

“Nos kier preveni e catastrophefenan prome cu reacciona despues na e dañonan causa. Nos kier igualdad di genero, respet pa diversidad biologico y cultural, y menos desigualdad economico. Esaki ta un lucha pa un cambio moral. Cada un den su luga, na su



manera, cu su medianan; loke no tin espacio aki ta indiferencia. Nos kier cambia curso di historia, pasobra no por enfrenta desafionan di siglo 21 cu politica publico di pasado,” nan ta señala y sigura cu e idea ta pa avansa den un “idealismo nobo, un cambio di consenshi y di balornan, un cultura nobo; pasobra ambientalismo no ta un

moda.”

Prome cu a bira publico, durante mas di 24 luna, e desaroyadonan di e proposicion a haci varios presentacion na tur e pais pa laga “un mensahe di conscientisacion y pa invita tur ciudadanonan pa uni na e reconstruccion di Argentina.”

Den sentido aki, e proyecto

a duna origen na un serie di causanan ambiental cu a laga como resultado centro di recoleccion di simianan. Segun nan ta calcula, e accion aki di AI lo duna como posibilidad e recuperacion di biodiversidad cu a perde den ultimo catastrophe na Corrientes ya cu, debi na labor conhuntito realisa pa e movimiento, den e zona ey ta na unda a crea un

espacio cu a permiti colecta especiesnan nativo di 40.000 hectar di boskenan cu a kima na 2022.

“Den un mundo unda cada dia tecnologia ta avansa mas, Terra ta exige e proteccion urgente di nos planeta. E ta e sintesis virtual cu lo permiti nos ta presente di manera simultaneo na diferente parti di mundo, papiando diferente idioma, canta y ta protagonista activo di transformacion. Nos mester un movimiento nobo, cu lo uni nos tur y cu lo compronde cu unico enemigo cu nos tin, ta e colapse ambiental.” Nan ta sigura.

Lorenzetti, ex-presidente di Corte Supremo, a crea Instituto Hudicial Global Ambiental, cu ta reuni huesnan rond di mundo. Ademas, ta co-presidente di Internacional Advisory Council di ONU Medio Ambiente entre otro titulonon, su buki riba derecho ambiental a ser publica na Argentina, Merca, Colombia, Mexico, Panama, Peru, Paraguay, Brasil, Spaña e Italia.

Jamaica: Vice-canciyer di UWI ta busca apoyo pa husticia reparatorio

Vice canciyer di University of West Indies (UWI) Sr. Hilary Beckles a pidi Nacionnan Uni dialuna ultimo pa sostene husticia reparatorio como un paradigma di desaroyo, indicando cu paisnan di Caribe sa hopi bon di e narrativa y e hermentnan di terror.

Den un discurso na Asamblea General di Nacionnan Uni, pa e ocasion di conmemoracion di Dia Internacional pa Recorda e Victimnan di Sclavitud y Trafico di Esclavonan Atlantico, Beckles a describi esclavitud como “e empresa malvado” den cual Europa y nan imperionan colonial “a traha un strategia pa transforma e criminalidad aki den capital”

“Ta e carga cu ta sigui persigui tur hende preto cu ta sigui sufrir e consecucionnan di e tsunami di marginalisacion economico, opresion social y cultural, y victimisacion politico den nan lucha pa libertad y husticia y awor e lucha pa legalisa e motibonan pa husticia reparatorio,” el a bisa.



E vice canciyer di UWI a bisa cu tambe e ta usa su discurso pa pidi husticia pa e pueblo di Haiti “kendenan lo mester a wordo sosteni na halto pa a termina e maldad di esclavitud. Nan lo mester a wordo halsa halto pa ta e ehempelnan nobel mas nobo di libertad y e celebracion di posibilidadnan democratico den modernidad di occidente. En bes di esey, pa nan accion nan a wordo castiga pa mundo

occidental y demonisa mas bien cu celebra”.

El a bisa, impulsa pa Francia y sosteni pa henter Europa y Merca, nan a wordo forsa pa paga sanger den forma di reparacion pa a derota nan sclabisadornan.

Beckles a bisa cu ehehempelnan asina di duplicidad y falsedad den mundo moderno no tin limite den esfuerso

pa termina e inhumanidad di hende na hende.

“Awe, nos ta wordo yama pa ta testigo atrobe di e metodonan di barbaridad militar y e ideologianan di odio etnico, no solamente den nos America, no solamente contra e hende Africano, pero mientras nos ta mire riba e crueldad na Gaza,” el a remarca.

El a bisa cu nan sa bon di e narrativa y e hermentnan di

terror, y cu nan conoce e narrativnan aki, e institutonan aki, y e discusionnan awe ta tocante colonialismo, racismo, genosidio, segregacion racial, infanticidio, hamber forsa, e animalisacion di imagen di hende. “Tur e hermentnan aki cu nos ta mira dilanti di nos mesun wowonan mientras nos ta mir’e riba nos television.”

Beckles, kende tambe a urgi Nacionnan Uni pa compromete atrobe na e agenda di decolonisacion pa e colonianan di Caribe restante, a bisa cu siglo 21 lo ta e siglo di husticia reparatorio.

“Ta e siglo aki lo haya y crea e movimiento politico mas grandi, esaki ta e movimiento pa husticia reparatorio como un enfoque pa desaroyo economico inclusivo, reforma financiero u economico, cu lo pone e economia mundial den forma corecto. Pues, nos no lo permiti cu nos silencio pa e desigualdanan bieu persistente y e barbaridad cu esaki a crea, pa haya un espacio nobo pa lansa mas crimen contra humanidad,” el a agrega.

Trinidad y Tobago: Servicio di Polis ta admiti nan debe cu empresario Ishmael

(TrinidadExpress) – Trinidad and Tobago Polica Service (TTPS) a admiti cu nan debe e empresario Inshan Ishmael \$0.8 miyon pa mantencion di vehiculonan cu a wordo realisa pa su compania pa e Servicio di Polis.

E reconocimiento aki ta den un contraste abrumador cu alegacionnan anterior di abogadoan di Oficina di Abogado General na juni di aña pasa, cual tabata indica cu no tabatin archivonan cu ta muestra kualkier contract entre e compania di Ishmael, ROC, y TTPS.

Por lo tanto, e abogadoan a sostene cu no tabatin ningun debe di placa na Ishmael pa ningun di e servicionan asina.

Sinembargo, durante un audiencia virtual dilanti di hues Carol Gobin ayera, e abogado di Estado Avione Romain a retira su acusacion anterior y en bes di esaki a confirma cu TTPS ainda tabatin un debe cu Ishmael di \$834,405.21



pa e trabounan realisa entre 2018 y 2021.

Basa riba e reconocimiento aki ta spera cu hues Gobin lo firma un orden di conseho proximo siman, cu ta wordo formalisa durante e curso di e siman aki.

Ishmael a traha un demanda contra e Estado pa recupera e suma di e debe, pero den defensa, Oficina di AG a bisa, “No tin contract valido y en-

forsable y/of no tin contract existente entre e demandante y e demandado cu e consecuencia cu e demandado no debe e suma cu a wordo demanda of sea nada mes”.

Sinembargo, despues di un peticion paralelo di Informacion Liber na TTPS, a admiti pa medio di un carta na abogado di Ishmael, Richard Jag-gasar, den siman cu su cliente mester haya pago di e debe di \$834,405.21.

Na e audiencia, Romain a bisa cu e acusacion anterior di Estado tabata basa riba instruccionnan cu abogadoan a ricibi inicialmente; sinembargo, mirando e informacion nobo proporciona pa TTPS, no por a nenga cu TTPS tin un debe cu Ishmael.

A pesar di esaki, hues Gobin no a ordena pa paga Ishmael inmediatamente. Esaki ta pa motibo cu Romain a bisa cu

ainda mester ricibi instruccionnan final for di Oficina di AG tocante e problema.

“Nos ta rekeri e aprobacion ey. Awor nos tin instruccionnan cu ta indica e suma cu ta debe, pero nos no tin autorisacion pa aproba esaki,” Romain a bisa.

Hues Gobin a pone den duda e instruccionnan ricibi anteriormente for di Estado ora e defensa a wordo formula y despues a wordo entrega, bisando cu mester tabatin algun forma di comunicacion entre Oficina di AG y TTPS.

E hues a conseha e abogado pa informa e Oficina di AG cu e tabatin intencion di duna sentencia na favor di Ishmael, y por lo tanto, e kier a confirmacion tocante e suma cu ta debe.

E hues tambe a pospone e asunto di FOI pa 1 di juni, pasobra a pesar cu mayoria di e informacion a wordo entrega, ainda tabatin algun cos pendiente.

Autoridadnan cu inval na propiedadnan di Diddy como parti di investigacion di traficacion sexual

(AP) - Den e prome 9 luna di 2023, Sean “Diddy” Combs a duna presentacion na MTV su VMA, a lansa un album cu a ricibi un nominacion di Grammy y tabata un di e personanan cu lo por cumpra BET.

Sin embargo varios demanda entrega den su contra aña pasa a trece acusacionnan di agresion sexual y violacion contra Combs, un di hip-hop su mayor nombrenan reconocibel como un productor y presentador. E cantante su cas na Los Angeles y Miami a ser busca dialuna pa agencianan federal cu Homeland Security Investigators y otro autoridadnan. Oficialnan a bisa cu e buskedanan tabata conecta na un investigacion di autoridadnan federal na New York.

E oficialnan a papia cu The Associated Press bao condicion di anonimidad pa motibo cu nan no tin autorizacion pa publicamente trata e detayenan di e investigacion. Combs su abogado y otro representantenan no a responde inmediatamente na peticion pa comentario y su paradero ta desconoci. Aunke Diddy tabata involucra den un disputa di negoshi di perfil halto pa parti di aña 2023, ta e caso di su ex pareha y cantante di R7B Cassie ken a habri porta pa e otro acusacionnan di violencia sexual. Combs a nenga e acusacionnan fuertemente. Te ainda no ta cla si e buskeda



ta relaciona na cualkier di e acusacionnan cu a trece dilanti den e demandanan, cual ta inclui un di un muhe cu ta acusa Combs di a abusa di su persona ora e tabatin 17 aña di edad.

Combs ta entre e productornan di hip-hop y ehecutivonan mas influencial di e ultimo 3 decada. El a construi un di e emporio mas grandi di musica, cu varios entidad conecta na su nomber famoso. E ta e fundador di Bad Boy Records y gañado di Grammy 3 biaha, ken a traha cu un cantidad di artistanan grandi incluyendo Notorious B.I.G, Mary J. Blige, Usher, Lil Kim, Faith Evans y 112.

E magnate den musica tambe a crea e marca di paña Sean John, tabata asocia cu e marca di vodka conoci y a lansa Revolt TV, cual ta enfoca riba y problemanan di husticia social cu ta trata Africanonan

Mericano. Tambe el a produci un program di television “Making the Band” pa MTV.

Den november, Combs su protegi y cantante Cassie a demanda su persona, acusando añanan di abuso sexual incluyendo violacion. E demanda ta acusa cu el a obliga su persona tin relacion sexual

cu prostitutan masculino mientras e tabata graba nan. Combs y Ventura a cuminsa un relacion den aña 2007cu a dura mas di un decada. E demanda a ser aregla e dia despues cu a otorga esaki, pero e demandanan contra Combs a keda drenta,

Combs a bisa den un declara-

cion haci den december cu e “no a haci ningun di e cosnan horroso cu ta ser acusa.”

Den februari, un productor di musica a entrega un demanda unda e ta acusa Combs di a obliga su persona solicita prostituta y a pone presion pa e tin relacion sexual cu nan. Combs su abogado Shawn Holley a bisa den respuesta na e acusacionnan aki cu “nos tin prueba fuerte y real cu e acusacionnan aki ta completamente un mentira.”

Aña pasa, Combs a baha for di su posicion como e presidente di e red di television Revolt den medio di e acusacionnan di abuso sexual den su contra. Revolt a anuncia Combs su decision via rednan social. E no ta cla si e lo bolbe na e compania, cual e compania a bisa cu Combs no tabatin “un rol involucra den e operacionnan diario” na e compania.



Announcement of the Government of Aruba Treasury Bills issuance – Afl. 32,250,000.00 April 5, 2024 – July 5, 2024

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 1 of March 4, 2024.

The Centrale Bank van Aruba (CBA) informs of the upcoming Government of Aruba (GOA) Treasury Bills issue on April 5, 2024, in multiples of Afl. 250,000.00 and Afl. 1,000,000.00.

Amount: Afl. 32,250,000.00
Maturity: 3 months
Redemption date: July 5, 2024

Participation in the upcoming GOA Treasury Bills issue is only allowed through the intermediation of a local commercial bank. Application forms must be submitted to the CBA on Tuesday, April 2, 2024 at the latest at 4:30 p.m. (cutoff time).

Aruba, March 27, 2024
Centrale Bank van Aruba

E Caminda di Cruz diferente di Pastoral Hubenil Aruba

Diasabra ultimo, e comision di hobennan cu ta cay bou di Pastoral Hubenil Aruba (PHA) a organisa un Caminda di Cruz diferente pa hobennan di pastoral hubenil, mayornan, lidernan di e diferente parokianan y pueblo participa. A sali 6'or di mainta di e parkinglot dje Santana di Sabana Basora, pasa un parti den Parke Nacional Arikok y caba back n'e parkinglot.

E hobennan mes a stipula e ruta, traha material pa e 14 stashinan, scoje oracion,



cantica di pasion di Cristo y a prepara tur cos necesario pa bay cana e Caminda di Cruz den nos naturalesa reflexionando riba morto di Hesus y preparando nan mes pa Semana Santa.

Tur e hobennan cu a participa, a lanta mainta trempanden di animo, a carga e cruz cu curashi di stashi pa stashi y a medita riba tur locual Hesus a pasa aden, di su agonía te ora el a muri riba cruz pa por-



don di nos picanan, demostrando asina e amor incondicional y infinito cu E tin pa nos tur. Tambe e hobennan a pidi Hesus pa yuda nan fortalece nan fe.

PHA ta gradici un y tur cu di un forma of otro a coopera cu nos hobennan pa haci e Caminda di Cruz "Ban Cana Cu Hesus" un exito!



Dialuna 18 maart ultimo diferente organisacionnan den bario a bin hunto pa celebra nos dia nacional esta dia di himno y bandera den e bario di Piedra Plat.

E celebracionnan aki a cuminsa hopi aña pasa ora tabata celebra dia di La Reina den April y despues di tempo

a cambia pa 18 maart. Organizacionnan manera C.B. Piedra Plat, SV Britannia, Fundacion Centro famia Piedra Plat, Scol di musica Car Ritmo y Roller Skate Aruba a uni forsa pa haci e dia aki grandi.

E actividadnan a cuminsa for di mainta trempanden cu un grandioso koffie morgen,

Piedra Plat ta bisa danki na pueblo pa a celebra 18 maart na grandi den nos bario

sigui pa cumindanan y cosnan dushi crioyo, weganan di futbol, weganan popular, benta di artesanía, speeltuín, Dino Jumb, rollerskate pa

mucha y adulto, presentacion di diferente gruponan musical y bailenan folklorico.

Banda di tur e facetanan cu

tabata exitoso, e famoso balansamento di auto tabata e culminacion di e grandioso actividad aki den e bario di Piedra Plat.

#FeelTheHeartbeat

Aruba Bank a anuncia fechanan di Walk & Run 2024



Durante una conferencia di prensa awe tardi na Aruba Bank, e institucion financiero a anuncia e fechanan di e evento di walk and run mas grandi, patrocina pa un banco, den nos comunidad. E di 18 edicion di "Aruba Bank Walk & Run 2024" a wordo anuncia cu e lema "Feel The Heartbeat", conjuntamente cu partners Subway, y IBiSA. Aruba Bank Walk & Run ta diana 20, 21, 22 y 23 di mei.

E concepto di "FeelTheheartbeat" ta enfoca riba e individual cu ta scucha su curazon y bai dilanti y logra su metanan, acumulando mas di binti (20) kilometer durante e cuatro (4) dianan.

Segun Sra. Edseline Leer, Head of Retail & Service, Aruba Bank ta sumamente contento di organisa e di 18 Aruba Bank Walk & Run 2024, hunto cu nos partners, y sigui sostene e bienestar di nos comunidad y concientiza comunidad ariba e importancia di salud físico.

E registracion di Aruba Bank Walk & Run ta habri 2 di mei pa exactamente 6'or di atardi pa e prome 2500 participantenan. 2501 en adelante ariba lista di espera (wachtlíjst).

Participacion ta AWG 25 pa tur cuatro (4) dia. Tur participante ta ricibi 1 dri-fit shirt, BIB cu chip y promotional items. Nos ta conseha tur hende pa paga nan cupo mesora y garantisana nan participacion. Por haci e pago cu credit

card durante registracion, via Online transfer (cliente di Aruba Bank por haya Walk & Run den addressbook) y tambe por paga na IBISA su oficina na Frankrijkstraat, usando bo debit card. Nos no ta acepta cash.

Por busca paketenan entrante 6 di mei na IBISA Oranjestad of San Nicolas.

Aruba Bank Walk & Run ta un "plastic free" event, pues nos ta encurasha tur participante pa trece nan boter di awa, y lo tin e opcion di refill esaki na halfway di e ruta y na final.

Corda marca e fechanan pa e gran evento diana Dialuna 20, Diamars 21, Diaranson 22 y Diahuebs 23 di mei den districtonan di Paradera, San Nicolas, Sta Cruz y Camacuri. Informacion exacto lo wordo publica ariba e Aruba Bank Walk & Run App, ariba www.arubabank.com y ariba nos Instagram y Facebook page.

Download e Aruba Bank Walk & Run App via bo Play store of App store y mantene bo mes prepara y informa di tur detayes di e gran evento aki, organisa pa e comunidad di Aruba. Aruba Bank kier gradici tur partner cu ta haci e gran evento aki posibel IBiSA, Subway, KPA, Pastrishi Sports, Motor Unit, Red Cross y voluntarionan, y ta conta cu nan sosten un bes mas pa e gran evento di Aruba Bank Walk & Run 2024.



ANUNCIO

SETAR ta informa cu pa motibo di entierro di nos colega Sixto Dirksen nos ta cera pa publico:

• diahuebs mainta dia 28 di maart 2024

11.30 am ta reanuda servicio na nos clientela.

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of Whatsapp na 597-9999.



Opinion ta un seccion di **Bon Dia Aruba** specialmente pa brinda oportunidad na lectornan individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa *Gregorio Wolff*

Ucrania; e guerra den fase final, hopi bruha y peligroso *Parti 1*

Tur cos ta muestra cu e guerra na Ucrania ta yegando su final. Trupanan ruso ta avansando ariba teritorionan Ucrainiano, sin ricibi mucho resistencia militar, manera tabata e caso añá pasa. Ta ser bisa cu Rusia ta avansando ariba un frente di mil km largo.

E derota di Ucrania na Avdiivka ta nifica hopi pa e moral di Militarnan Ucrainiano. Avdiivka tabata ser nombra e bastion defensivo di Ucrania, e forti mas fuerte na mundo, pero a sucumbi dor di e atakenan militar di Rusia. E cantidad di victimanan di morto tabata altísimo na ambos banda, maske ta ser bisa cu e tabata hopi mas pio pa Ucrania.

Ultimo simannan hopi ta e declaracionnan di politiconan di Occidente, uno mas fuerte cu e otro, ya cu e derota di Ucrania ta skirbi tur caminda y cual derota ta duro pa nan tambe.

Semper Ucrania ta bay gana e guerra

Semper e expertonan ta bisa cada biaha cu Ucrania ta bay gana e guerra y pa e motibo aki Ucrania a ricibi tur e armanan necesario. Sigur despues cu Boris Johnson y Biden a pone Ucrania kibra e acuerdo di Istanbul entre Rusia y Ucrania na maart/april 2022. Awe ta muestra cu tur e armanan entrega na Ucrania mester ser paga despues. E armanan no a resalta ariba campo di bataya, pues e victoria tan anhela a keda den laira.

Tambe semper a ser bisa cu Rusia no mag di gana e guerra, pasobra den e caso ey, Rusia ta bira un menasa pa paisnan di Nato na Europa y cada pais por haye confronta cu un invasion militar Ruso.

E pensamiento strategico di e paisnan di Nato tabata y ta pa debilita Rusia. Esaki Lloyd Austin, e ministro di defensa di USA a bisa na varios ocasion. Despues e intencion ta pa via un guerra desisivo bati Rusia y parti Rusia den 3 pa 4 republica. Putin no t'ey mas y e 4 republicanan lo bira hopi



complaciente cu Occidente, consecuentemente e paisnan di Nato lo keda conforme cu e rikesanan cu Rusia ta posee.

Resultado ta otro

Ta bisto awe cu e expertonan of mihor bisa e autoridanan di occidente ta completamente for di base, esta nan a ekiboca y awe nan ta lew di e realidad di e situacionnan

ariba campo di bataya. Tambe si nos compara nan posicionnan original y nan pronosticonan di pasado cu e situacion actual ta dificil pa honra nan experticio.

Pues ora bo wak nan pronosticonan di 2 año pasa y di año pasa, ningun di nan pronosticonan publica den varios medionan di publicacion a

sali. No tin analisis, ni publicacionn pakico nan pronosticonan no a bira realidad. Mi persona tambe a skirbi varios comunicado ariba e guerra na Ucrania, informacionnan ricibi di otro fuentenan y pesey otro realidd di loke e expertonan di occidente tabata skirbi.

Ta bon pa nos repasa e sucesonan mas importante di e guerra aki.

Inicio di e guerra 22 februari 2022

Den prensa di UE (Union Europeo) y di USA ta papia di e invasion Ruso cual a cuminsa 24 febr 2022. Pa Rusia e guerra a cuminsa na febr 2014, na momento cu un golpi di estado a baha e gobierno di Victor Janucovich, democraticamente eligi y e golpistanan nazista=fashista cu ayudo di USA y UE a cuminsa cu un persecucion fuerte di tur esnan na Ucrania, kendenan ta papia Ruso. E Ruso-parlantenan ta biba na e parti di oriente di Ucrania, frontera cu Rusia. Idioma Ruso a wordu prohibi, schoolnan Ruso a wordu sera, hasta e iglesia Ortodoxo, liga na e iglesia Ortodoxo di Moscu a wordo sera y confisca door di

estado Ucrainiano. Alrededor di 14 mil Ruso-parlante a ser asesina despues di 2014.

Tabatin un yamada fuerte di Rusianonan na Ucrania y na Rusia pa Rusia interveni y salba su hendenan. Tocante e invasion di Kiev, e expertonan di occidente tabata bisa cu dentro di un siman Rusia lo coy Kiev, causando 100 pa 200 mil morto. Igual na loke Merca a haci poco año pasa na Bagdad, capital di Irak, cu su bombardeonan di civilnan. Rusia a hiba un guerra cu operacionnan militar presiso, pa asina purba di evita mas tanto morto di civilnan. Ora cu Rusia a sali for di Kiev, despues di acuerdo di Istanbul y su kiebra, esaki a wordu considera como un victoria Ucrainiano y argumento pa manda mas arma pa Ucrania.





ANUNCIO

OPENING HOURS

**DEN CONECCION CU CELEBRACION
DI BIERNA SANTO Y PASCO GRANDI**

NOS LO TA SERA:

**DIABIERNA 29 DI MAART
Y
DIALUNA 1 DI APRIL**

NOS TA HABRI DIASABRA 30 DI MAART



Check nos riba
social media
like y follow

Orario: dialuna pa diabierna 9 - 6pm - Schotland str. 46 tel. 280-6080
• Warehouse Meiveld 3A-1 tel. 582-1671 •



699-5511

Ambulance a bay warda di polis Oranjestad pa un detenido cu kap na cabes




Dialuna madruga presencia di ambulance a ser solicita na warda di polis na Oranjestad pa un detenido cu tabata tin un kap na cabes.

Mesora a dirigi un ambulance di Post Sasakiweg na e sitio. Na yegada di e ambulance nan a atende e detenido na warda mes y esaki no tabata asina serio cu mester a bay hospital.

Chauffeur di truck halto tabata warda pa habri porta di waf - pero e tabata asina cerca cu no a wak e hefboom y a dal esaki

Dialuna mainta tempran a drenta informe di un incidente na entrada di waf, mesora a dirigi un patruya na e sitio.


Na yegada di e patruya a bin compronde cu un truck halto a bini na entrada di waf warda nan habri e porta pero como cu e truck ta hopi halto e chauffeur no a mira e hefboom y ora e porta a habri a bay pasa sin a warda e hefboom bay halto y ela dal e hefboom.



A hiba detenido hospital cu boei na man y pia pa motibo di kap den cabes

Dialuna mainta un detenido cu a ser hiba na warda di recherche tabata keha di hopi dolor di cabes durante interrogacion, debi na tanto dolor recherche a dicidi di yama ambulance p'e.

Na yegada di ambulance a ripara cu e detenido di berdad e tin hopi dolor di cabes debi na e kap cu e tin na su cabes y cu ta necesario pa hib'e hospital. Den oranan di madrugada e tabata sinti malo caba pero ambulance no a haya necesario pa hib'e hospital.



Pickup horta madrugada na Rancho Clemente haya na Rooi Taki



Dialuna madrugada a drenta informe di cu un pickup a caba di ser horta for di Rancho Clemente, mesora a dirigi un patruya na e sitio.

Na yegada di e patruya a bin compronde cu e ladronnan a caba di bay cun'e prome cu

3'or di madrugada direccion pariba. Ta te casi na e oranan di merdia cu a bin señala e pickup na Rooi Taki. Polis a bay na e sitio y a haya e pickup berdad pero cu varios flat tire. Mesora a confisk'e y a pidi takelwagen pa hib'e pa mas investigacion.

Polis a bay Verano pa un chauffeur cu a pega soño tras di stuur meymey di caminda na un crusada



Dialuna madrugada a drenta informe di cu tin un chauffeur drumi den un pick-up meymey di un crusada na Verano.

Mesora a dirigi un patruya na e sitio. na yegada di e patruya a haya e pick-up Changan para

meymey di e crusada. Polis a lanta e chauffeur kende a admiti di tabata basta cansa y a keda eynan para pa basta rato. Como cu ela medio recupera polis a lague core e auto y nan a bay su tras pa e yega su cas sano y salvo.

Polis a hala atencion di trekker cu tabata lastra baki di tera sin su tapa y tabata basha stof y sushi riba caminda



Dialuna mainta a drenta informe di cu tin un trekker geel cu ta lastra baki di tera sin su tapa y tabata basha stof y sushi riba ca-

minda na Tanki Flip.

Mesora a dirigi patruyanan na e area. Na altura di Tanki Leendert polis a logra para e

chauffeur di e trekker y a hala su atencion. Polis a prohibi'e di sigui sin pone un lona riba dje.

Deportistanan di Aruba a destaca den grandi den Weganan Interinsular na Bonaire

Recientemente a tuma luga na hermana isla Bonaire, Weganan Interinsular 2024, caminda e biaha aki a competi den Aquathlon 11-13 aña, basketball basis school y futbol voortgezet.

Pa loko ta trata, delegacion di nos isla, mester bisa cu Aruba a wordo bon representa pa tur tres ramo di deporte.

Aquathlon:

Den deporte di Aquathlon, atletanan di Aruba a duna un resultado sobresaliente, den categoria 2 di landamento mucha muher, Kaythlin Thiel a keda na prome luga, sigui pa Ryzilaine Richardson na di dos luga, Jira Oleana y Kidagakash Galea tambe a duna bon desempeñu y a keda na di cuater y cinco luga.

Pa loko ta trata coremento categoria 2 damas, Kaythlin Thiel a keda na di 6 luga, sigui pa Ryzilaine Richardson, Jira Oleana y Kidagakash Galea cu a termina na di cuater, tres y prome luga.

Den categoria 3, atletanan di Aruba a sa di demostra tambe nan nivel Atletico caminda cu Emma Gobert a keda na prome luga, Evic Adele na di dos luga, Chloe-Nicole Dirksz na di seis luga y Laura Bonnevalle na di 10 luga.

Den categoria 2 landamento mucha homber, Lucas Bonnevalle a keda na di tres luga, Jeandrick Albertus a keda na di 7 luga, Maeyson Kock a keda na di 8 luga y Geyon Eights a keda na di 10 luga.

Den coremento, Maeyson Kock a keda na prome luga, Lucas Bonnevalle a keda na di tres luga, Jeandrick Albertus a keda na di cuater luga y Geyon Eights a keda na di ocho luga.

Den categoria 3 mucha homber, aki tambe atletanan di Aruba a sa di destaca den grandi caminda na prome luga a keda Xyon Jabos, Max Dennert na di dos luga, Enzo Croes na di tres luga y Fredde van Poel na di seis luga.

MVP mucha homber a keda Xyon Jacobs, MVP mucha muher a bay pa Emma Gobert y Kidagakash Galea.

Basketball:

Pa loko ta trata weganan di basketball Interinsular, Aruba a sa di demostra bon wegana di nivel y a domina esaki te final di e torneo.



Contra di Curaçao, Aruba a hunga un bon wega y ta gana cu score final di 9-5, siguiente wega tabata entre Aruba y Bonaire, aki tambe Aruba a domina e wega y ta logra bay cu e victoria cu score 15-8 y asina a pasa tambe pa e gran final.

Den wega final, un biaha mas Aruba a enfrenta Bonaire y ta logra bay cu e titulo di campeon di Weganan Interinsular ganando Bonaire cu score di 15-8.

MVP den basketball a keda Danoc Gumbs.



Futbol:

Den weganan di futbol categoria damas, Aruba a prepara bon pa defende su titulo di campeon cu a wordo logra na 2023 na Aruba.

Prome wega Aruba a domina e wega contra di Curaçao y ta bay cu e victoria cu score di 13-3, den di dos wega Aruba a enfrenta Bonaire y ta gana cu score di 12-3 y asina ta pasa pa e gran final.

Den wega final Aruba ta gana Bonaire cu score di 12-3 y asina ta titula campeon di Weganan Interinsular pa di dos aña consecutivo y tambe invicto pa di dos aña consecutivo.

MVP di futbol damas a resulta pa di dos aña sigui Loredana Neppi.



IBiSA ta orguyoso di e esfuerzo y dedicacion di atletanan di Aruba y ta felicita tur e ganadornan di Weganan Interinsular Bonaire 2024.

Proximo Weganan Interinsular ta bay tuma luga na Curaçao for di 11-14 di april 2024 y lo competi den basketball voortgezet, volleyball basis school y atletismo.





(AP) - Alemania lo eheda control na tur su fronteranan durante futbol su Campeonato Europeo den juni y juli, e pais su oficial di siguridad top a conta media local.

Minister di Interior Nancy

Faerer a conta Rheinische Post den comentarionan publica diamars cu evaluacionnan lo ser eheda na tur frontera Aleman durante e torneo "pa asina por preveni cu cualkier criminal violento lo dreña." El a agrega cu "esaki ta necesario pa proteha e

Alemania lo impone evaluacion di seguridad na tur su fronteranan durante Campeonato Europeo di futbol

evento grandi internacional aki lo miho cu ta posibel."

Autoridadnan ta enfoca riba proteccion contra extremistanan Islamico, delincuentenan y otronan cu por ta peligroso ademas di sigura rednan contra atakenan cibernetico segun e minister a splica. Faerer su comentarionan ta bini poco despues di e atake na auditorio di concierto na Moscu, cual Islamic State Group a bisa cu nan ta responsabel pa esaki. Sinembargo, e decision di restaura e revisonan na e frontera du-

rante e torneo di futbol tin hopi tempo ta premira. El a bira un practica standard pa paisnan den Europa su zona di biahe sin reviso conoci como e area Schengen durante eventonan di deporte grandi.

Alemania ya caba ta eheda revisonan riba su fronteranan oriental y den parti sur cu Poland, cu Czech Republic, Austria y Switzerland como resultado di preocupacionnan tocante migracion.

E campeonato Europeo ta

cuminsa dia 14 di juni, cu e anfitrión Alemania hungando contra Scotland den un wega di apertura na Munich. E final lo ser hunga na Berlin dia 14 di juli.

Italia a sigui Francia dialuna den aumenta siguridad despues di atake na Moscu. Faerer su ministerio a bisa dialuna cu meistras e menasa di e extremistanan Islamico ta permanece agudo, autoridadnan Aleman su evaluacion di riesgo no a cambia te cu awo como resultado di e atake.

China ta duna 8 año den prison te cadena perpetua pa oficialnan di deporte condena pa acepta soborno

(AP) - E ex president di Chinese Football Association a ser sentencia na cadena perpetua den prison den medio di acusacionnan di corrupcion den deporte.

Corte Chines diamars a duna sentencianan di entre 8 año te cadena perpetua na oficialnan den e programanan di deporte controla pa Communist Party, acusando nan di acepta soborno y comete otro crimennan financiero. Chen Xuyuan, e ex president di CFA, a ricibi un sentencia di bida pa yuda aregla weganan y usa su varios posicionnan pa comete crimennan financiero, media di estado a reporta.



Xinhua a reporta cu tur propiedad personal di Chen lo ser confisca y su ganashinan ilegal lo ser recupera y entrega na e tesoreria di e estado. Otro oficialnan di rango halto sentencia na prison pa

acepta soborno ta inclui e ex president di National Athletics Association, Hong Chen, ken a ser sentencia na 13 año, ex oficial di deporte di nivel halto Chen Yongliang, ken a ricibi 14 año y Dong Zheng,

ex CEO di Chinese Football Association Super League Company pa 8 año.

E liga ta grandemente sosteni pa agencianan di propiedad kendenan a bira sobrecarga y no por entrega apartamentonan caba ni tampoco bolbe paga nan debenan.

E pago na hungadornan kende a spera cu nan lo bira hopi mas exitoso na China y posiblemente nombrenan di marca internacional a bini dilanti den medio di preocupacion tocante finanzas di e compania den e di dos economia mas grandi.

China su liga di deporte domestico tin hopi tempo ta lucha cu corrupcion y insta-

bilidad financiero, mientras e ekiponan di hende muhe y hende homber no ta mira exito den e posicionnan internacional, apesar di exitonan anterior.

Corupcion den e deporte ta mas tanto conecta na pagonan na hungadornan y refereenan pa produci un resultado cu ta beneficia e sindicatonan di wega di placa. Tambe tin acusacion cu e pagonan a ser haci pa e hungadornan por haya posicion na campnan di training pa ekiponan top, incluyendo e ekipo nacional pa hende homber, cual awo tin e posicion number 88 di FIFA. E ekipo di hende muhe Chines tin e posicion number 19.

Coach di Utah ta bisa cu e ekipo a ser afecta despues di experiencia odio racista durante torneo di NCAA

(AP) - Coach di Utah Lynne Roberts a bisa cu su ekipo a experiencia un serie di "crimennan di odio racial" despues di yega su prome hotel pa e torneo di NCAA y a ser obliga cambia di acomodacion durante e evento pa preocupacion di siguridad.

Roberts a revela ki a pasa despues cu Utah a perde contra Gonzaga den e di dos ronda di NCAA dialuna anochi. Roberts no a dreña den

detaye pero a bisa cu tin varios incidente cu a tuma luga diahuebs atardi despues cu e ekipo a yega Spokane, Washington, area pa e torneo y nan tabata strobando e fiesta na un punto unda nan tabatin preocupacion di siguridad.

Utah tabata kedando 30 mia leu for di Coeur d'Alene, Idaho y a ser reloca na un hotel diferente riba diabierna. "Nos tabatin varios instancia di algun tipo di crimen di odio racial dirigi na nos programa

y (e tabata) increíblemente difícil pa nos tur," Roberts a bisa. "Den nos mundo, den atletismo y den universidadnan, e ta impactante. No tin hopi diversidad den scol e ora bo no ta exponi na esaki frecuentemente."

Tony Stewart, un oficial di Kootenai County Task Force on Human Relations, a bisa den un conferencia di prensa diamars cu Utes tabata canando for di e hotel na un restaurant ora cu un truck cu



e bandera Confederate a pasa. E chauffeur a cuminsa usa lenguahe racista, incluyendo e palabra ofensivo cu ta cuminsa cu e letter N. Despues cu e ekipo a sali for di e restaurant, e mesun chauffeur a bolbe back "cu otronan," Stewart a bisa, kendenan un

biaha mas a grita na e hungadornan.

"Nos tur tabata den shock y nos a mira otro. Tur hende tabata den shock," director atletico diputado di Utah Charmelle Green, ken ta di color scur, a conta KSL.com.

Na april un oficina di dokter di cas nobo ta habri su porta pa e aseguradonan di AZV na ImSan

Na ImSan lo habri un oficina di dokter di cas nobo na luna di april. E ta bay ta un HOED (Huisartsen onder één dak), esaki ta un concepto unda diferente dokter di cas ta traha hunto riba 1 localidad pa brinda servicio na e aseguradonan di AZV.



Eventualmente 5 dokter di cas ta bay traha den e oficina nobo, cual 3 di nan ta cuminsa caba na april. Dr. Gonzales-Diaz, cu ta conoci ya pa hopi aña na Aruba como dokter di cas y 2 dokter nobo; Dr. Laura Barrenzueta y Dr. Lorena Soto. Nan tres ta cuminsa pa

atende e pashentnan cu te cu luna di maart 2024 ta pashent di e dokter Geerman -Tromp di Savaneta y Dr. Every/Es-sed na San Nicolas.

Dr. Geerman-Tromp y Dr. Every ta bay cu pensioen

como dokter di cas y AZV kier gradici nan pa tur e añanan cu nan a brinda servicio na e aseguradonan di AZV. E pashentnan ta bon bini for di dia 2 di april na e oficina nobo na ImSan.

Stichting Kompas for Students taanuncia:

Pre-registracion ta habri pa programa annual 'Kompas'



Stichting Kompas for Students ta sumamente contento di anuncia cu pre-registracion pa e programa hopi anticipa di 'Kompas' 2024 awor ta oficialmente habri. E programa unico aki di 3 dia, diseña especificamente pa studiantenan cu lo cuminsa cu nan capitulo nobo den nan bida academico na Hulanda, ta programa pa tuma lugar durante e di dos siman di Juli.

'Kompas' 2024 ta ofrece un oportunidad pa studiantenan gana conocimiento y habilidadnan esencial den varios area critico, incluyendo finanzas, bienestar emocional, y aspectonan practico di ta un estudiante na Hulanda. E programa meticulosamente diseña aki ta sigura cu participantenan ta completamente prepara pa e biahe emocionante pero desafiante di studia na Hulanda.

Mas informacion tocante 'Kompas' 2024 lo volg den e luna di Mei.

Pakico pre-registra? Door di pre-registra awor via www.kompasforstudents.com/join/, bo no solamente lo ricibi nos "Student Guide" completamente gratis pero tambe lo ricibi updates via email regularmente cu tips pa cuminsa prepara pa bai Hulanda. E guia y e updates aki ta specialmente crea pa juda bo den bo fase di preparacion. Tokante Stichting Kompas for Students:

Stichting Kompas for Students ta un fundacion crea door di young professionals i estudiante Arubiano. Nos meta ta pa guia i sostene estudiante den nan preparacion pa studia afo i durante nan prome aña na Hulanda. Durante e trayectoria aki nos ta brinda diferente workshops i actividad riba topico manera mental health, finanzas, nutricion i hopi mas.

Mas over di Stichting Kompas for Students: www.kompasforstudents.com

Resultado Sorteo <i>Maart 26</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
4781	2113	1952	0190
2697	5892	SUPER5	0112
2669	1156	92302	4553

MERDIA	ANOCHI
<p>Sorteo # 4221</p> <p>5599</p> <p>6582</p> <p>3479</p> <p>MULTI X</p> <p>FP</p> <p>BIG 4</p> <p>Sorteo # 4221</p> <p>0065</p> <p>MULTI X</p> <p>X2</p> <p>OFF</p> <p>Sorteo # 2277</p> <p>3507</p> <p>ZODIAC</p> <p>Sorteo # 4221</p> <p>5524</p> <p>Virgo</p> <p>LUCKY 3</p> <p>Sorteo # 1095</p> <p>332</p> <p>MULTI X</p> <p>X2</p>	<p>Sorteo # 8204</p> <p>2996</p> <p>4295</p> <p>5645</p> <p>MULTI X</p> <p>X2</p> <p>BIG 4</p> <p>Sorteo # 7248</p> <p>9084</p> <p>MULTI X</p> <p>FP</p> <p>OFF</p> <p>Sorteo # 1953</p> <p>9804</p> <p>ZODIAC</p> <p>Sorteo # 6007</p> <p>2467</p> <p>Aquario</p> <p>LUCKY 3</p> <p>Sorteo # 937</p> <p>815</p> <p>MULTI X</p> <p>X2</p>
<p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p>	<p>Joker Letter</p> <p>Proximo Jackpot</p> <p>150.000,-</p>
<p>Sorteo # 6427</p> <p>0 x Jackpot</p> <p>7 x Match 4</p> <p>150 x Afl 8,00</p>	<p>17-20-22-25-27</p> <p>Proximo Jackpot</p> <p>66.000,-</p>
<p>Sorteo # 1648</p> <p>0 x Jackpot</p> <p>0 x match 4</p> <p>5 x Afl. 500,00</p> <p>48 x Afl 50,00</p> <p>67 x Afl.15,00</p>	<p>09-12-28-29</p> <p>Mega Ball 03</p> <p>Proximo Jackpot</p> <p>310.000,-</p>
<p>Afl. 410.000,-</p>	

King Classic Sudoku

		1				8	7	
8		9	7		2			5
				1	4			
3	5						8	
		8	5		1			2
		7	2				4	
	9	2			3	7	5	6
6	1						9	

Difficulty: ★★★★★ 5/12

©2023 King Features Syndicate, Inc.



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle San Lucas
Tel. 587 9011 Tel. 584 5119

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Ultimo tayer di 'Arubaverse 2.0' na San Nicolas

Departamento di Asuntonan Economico, Comercio y Industria y su unidad Exprodesk, segun maneho economico di Minister di Economia, Comunicacion y Desaroyo Sostenibel, Sr. Geoffrey Wever, ta organisa den colaboracion cu Full Stack Vision FND e proyecto 'Arubaverse 2.0' na San Nicolas.


E proyecto tawata tin varios tayer/ meetups mensualmente y lo termina na maart 2024. E ultimo meetup na San Nicolas pa aña 2024, lo tuma luga diaranson 27 di maart na The Hub at San Nicolas (B. v/d Veen Zep-penfeldstraat 70-72), di 6:30pm pa 8:00pm. Participacion ta gratis y e idioma lo ta Papiamento y Ingles. Pa por participa mester registra na: <https://bit.ly/arubaverse>

Proyecto 'Arubaverse 2.0' E proyecto 'Arubaverse 2.0' ta consisti di diferente tayer cu e meta pa informa tur participante riba e ultimo avancen tecnologico manera 'blockchain', e futuro di e pagonan digital, bienes digital/NFT, Inteligencia Artificial y mucho mas! Pa e motibo aki, nos kier a invita tur entrepreneur y comerciante local pa nos ultimo tayer titula 'Deep Learning is Rubbish - Innovation that Challenges the Status Quo', cu PHD Candidate in AI, Sport Science & Healthcare, sr. Francis Laclé lo presenta. Durante henter e proyecto ta pidi tur participante pa bin cu nan laptop pa asina experiencia pa nan mes den un forma practico con pa aplica inmediatamente tur loke nan a siña.

Tayer 'Deep Learning is

Sunstone Realty
Houses For Rent
Moko-Noord
•3 Bedrooms
•2 Bathrooms
•Full fenced house
Available: 1st April
Phone: 583 8080
Cell: 593 1387

Chapi y Verf Handiman
Nos ta haci tur sorto di chapi y verf cas, edificio, school. Nos ta tira sushi afo
Cel. 561 1397



Rubbish - Innovation that Challenges the Status Quo' E tayer aki ta diseña pa tur persona cu ta interesa den genera ideanan nobo y forma parti di e combersacion transformador di e mundo dinamico di Inteligencia Artificial. Den e tayer aki lo trata e siguiente topiconan: 'Take a peek under the hood to understand the inner


workings of Deep Learning'; 'Get an overview of its (future) utility and limitations'; 'Carefully consider if, when, and how it can be applied to your business in Aruba.'

Pa mas informacion over di e proyecto 'Arubaverse 2.0', por tuma contacto cu sra. Sharon Meijer via: s.meijer@deaci.aw

Pronostico di tempo

Tempo: Parcialmente nubia sin awa- sero di importancia.

Temperatura maximo 34 grado Celsius.
Temperatura minimo 27 grado Celsius.
Indice di calor (heat index) den y rond di oranan di merdia: 34 pa 40 grado Celsius.
UV index: 12



Bahada di solo: 6:51pm.
Subida di solo: 6:39am.

Biento: Zwak te modera for di direccion oost te noordoost; forsa 2 te 3 (7 te 19 km/ora, 4 te 10 nudo).
Temporalmente variable y zwak; forsa 1 te 2 (1 te 10 km/ora, 1 te 5 nudo).

Situacion general di tempo: Un disturbio na diferente nivel di atmosfera lo causa biento zwak den region. Esaki lo bay ocasiona temperatura mas halto cu normal durante oranan di merdia y

atardi. Mas aleu por bisa cu atmosfera den partinan mas abou ta relativamente seco. Sinembargo, un aumento Temporal di humedad lo por induci localmente un awa- sero pasahero.

Condicion maritimo/ estado di lama:

Na partinan proteje di costa: keto, rond di 1 pia.
Na partinan zuid: trankil, entre 1 pa 2 pia.
Na partinan oost te noord- west di costa: trankil te modera cu olanan di 2 pa 3 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Cu Cristo tin Victorial!

Nos ta anuncia fayecimento di:

Sixto Ismael Dirksen

Mihor conoci como:
Tico y yama pa su casa peluche.
*20-09-1965 – †24-03-2024



Na number di su:

Esposa stima:
Ingrid del Carmen Dirksen Montalvo

Yiunan:

Meleny Dirksen
Ibrahim Dirksen
Mayornan den feliz memoria.
Mama: †Petra Maria Dirksen-Wernet

Tata: †Lourens Dirksen

Suegronan den feliz memoria:

†Jose Benjamin Montalvo
†Regina Montalvo Ronbinson

Rumannan:

Evelina y Eric Rincones-Dirksen
Ingrid Dirksen y †Diego v/d Linde
†Irena y Johan Kelly-Dirksen
Frido Dirksen y Esperanza Nausa
†Emiliano Dirksen & Julia Dirksen Geerman
†Rigoberto 'Jani' Dirksen y Ana Dirksen-Werleman
Rudy Dirksen y Yvonne Barthel
Frank y Aura Dirksen-Geerman

Omo y tantanan:

†Alberto y Frani Wernet-Kelly
Mamita y †Bartolo Dirksen-Wernet
Rafaela y †Rosimbo Gomes-Wernet

Swa y cuñanan stima mane ruman:

Nilka Montalvo & Jerrold de Cuba
Milly Montalvo & Ivan Arends
Tony Montalvo & Judith Montalvo
Henry Montalvo

Manera yuinan: Antony Roberts, Keanna de Cuba, Kaeden de Cuba, & Kimberly Castell.

Ihanan: Everick Rincones, Fernando Dirksen y Jayne Dirksen.

Mane rumanan & bon amigonan

Donco, Lando Franken, Charly Koolman, Robert Maduro, Eric Ras, Rudy Ras, Joseph Schengle, Jozef Martinus, Tico Croes, David Dubero, Ranzino Vrolijk, Mando Rasmijn, Richard Kelly

Ex coleganan di SETAR N.V., amigonan, comper y comernan, primo y primanan, subrino y sobre subrinonan

y demas famia: Dirksen, Geerman, Rincones, Werleman, Montalvo, Gomes, De Cuba, Arends, Marin

Despensa si den nos tristesa nos por a lubida algun persona of famia.

Condolencia lo tuma lugar diaranson 27 di maart di 7or pa 9or di anochi na Aurora Funeral Home.

Ta invita pa asisti Santo Sacrificio di misa cual lo tuma lugar diahuebs 28 di maart di 9or di mainta pa 11 or di mainta na Misa Inmaculada Concepcion na Santa Cruz.

Cremacion lo tuma lugar den ceno familiar.

Nos ta lamenta cu despues di cremacion nos no ta ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y floran por seca, su recuerdonan y tur loke el a haci y significa pa nos, lo keda grabá pa semper den nos mente y curason. "Cerca Dios mi alma ta na paz, ta di E mi salvacion ta bin" Salmo 62:1



Cu profundo tristeza den nos curazon, pero agradecido na Señor pa tur locual el a haci y significa pa nos, nos ta anuncia cu a bay sosega den brasa di Señor

Juan Dominic Semeleer

* 21-11-1931 † 20-03-2024

Casá: Francisca 'Sira' Semeleer-Erasmus

Yuinan:

Irena Semeleer (na Hulanda)
†Meriam Semeleer
Silvia Semeleer
Roy y Beatriz Semeleer - Rios
Jimmy Semeleer
Jackqueline Semeleer

Nieto- y Nietanan:

Giovanni Lew Jen Tai y Nakary Garcia Rondon
Julissa 'Lilly' Croes (na Hulanda)
Anushka Lew Jen Tai
Sasha y Karime Chung - Valencia-Montoya
Sharine Croes (na Hulanda)
Francis 'Kimmy' y Nanoek Chung - Richardson
Candred 'Shuby' Lanoy
Jarl Falconi (na Hulanda)
Roger y Jemberlyn Semeleer - Romero
Jowald Theysen
Garvin Semeleer

Bisanieta- y Bisanietan:

Isabel Lew Jen Tai (na Hulanda), Zuly Hermanus, Trevor Hermanus, Jurian Lanoy, Jayruq Lanoy, Mia-Ava Hermanus, Jazalyn Wilson (na Hulanda), Jahir Semeleer, Zavian Chung, Jileeny Thijssen (na Hulanda), Chloé Semeleer

Rumannan:

†Rafael y Maximina Semeleer - Paesch
†Vicente y †Carmen Semeleer - Madrid
†Francisco Semeleer

Subrino- y Subrinanan y nan famia:

Glenda Vrolijk, Francisco Semeleer, Antonio Semeleer, Dominic Semeleer, Magaly Zievinger, Rafael Semeleer, Johannes Semeleer, Elvis Semeleer, Mervin Semeleer, †Alvaro Semeleer y Ricky Semeleer

Swa- y Cuñanan:

†Jacobo y †Rufina Erasmus - Boekhoudt y famia
†Vicente y †Ida Erasmus - Hill y famia
†Pedrito Erasmus y †Rafaela Croes y famia
†Juanita Erasmus
†Ita Erasmus y famia
†Eligio y Antonia Erasmus y famia
Annie y Erwin Vis y famia
Betty y Casin Giel y famia
Norma Erasmus y famia

Primo- y Primanan, Comer- y Compernan, Bisiñanan

Personanan aprecia di cas: Eddy Hermanus, Vanessa Rasmussen, Jurina Maduro, Ricky Loont, Sonia Hopmans, Christina 'Tita' Sterkenburg - Matos

Ayudantenan di cas: Gloria y Shakira

Demas famia: Semeleer, Erasmus, Croes, Wilson, Thijssen, Lew Jen Tai, Rasmussen, Hermanus, Chung, Falconi, Richardson, Valencia-Montoya, Rios, Romero, Lanoy, Theysen, Maduro, Garcia-Rondon, Loont, Vrolijk, Zievinger, Ruiz, Kelly, Flanegin, De Kort, Romano, Figaroa

Su ex-coleganan di LAGO y miembronan di IOWUA

Ta invita tur amigo-, amiga- y conocirnan na e acto di entierro cual lo tuma lugar Diaranson, 27 di Maart 2024, na Misa Santa Anna na Noord. Nos defunto stimá lo reposa di 9am pa 11am na Misa Santa Anna, Noord, pa despues sigui na su ultimo lugar sosiego na Santana Catolico na Noord.

Nos ta lamenta cu despues di entierro nos no por risibi bishita di condolencia na cas y ta pidi disculpa si encaso nos por a lubida un of otro famia den nos tristesa.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Bin serka mi tur cu ta cansa y carga y lo mi duna boso sosiego eterno - Mateo 11:28

Cu honda pena pero conforme cu boluntad di Dios nos ta anuncia fayecimento di:

Teofilo Villano DANIA

Cariñosamente yama: "Lo" y "Tatay"
*29-02-1944 - †19-03-2024



Na number di su :

Señora: Ysabel Arias

Yiunan:

Anchie Dania y yuinan
Richard Dania y yuinan
Gwendoline Dania y yuinan
Alex Dania

Manera yiu:

†Johnny Dania y yiu
Eduardo Dania y yiu
Rosa Maria Brito y yuinan

Rumannan:

†Aura y †Boei Ras
Gerarda y †Pancrasio Suarez
†Teresita Gomez-Dania
Elvira Dania
†Swinda Dania
Rudolf y Sita Dania
Lourdes y Orlando Villacis
Erwin y Lucia Dania
Fabiola Dania

Mescos ruman:

Lienchi Erasmus

Mama di su yuinan:

Marcolina Maduro

Omonan:

†Hendrik Dania y yuinan
†Hose Dania y yuinan
†Nicky Hoek y yuinan
†Jossy Hoek y yuinan

Tantanan:

†Josefa Bakmeyer y yuinan
Susana Dania y yuinan

Sobrino y Sobrinanan:

Jacqueline Ras y yuinan; Edgar Ras y yiu
Victor Suarez y famia; Soraida Suarez y famia; Harold Suarez; Mimi y Frank Peña y yuinan; Magaly Suarez Sigmar Maduro y Lennie y yuinan
Leidimar y Glembert Kock y yuinan; Ghislaine Dania y Lyrick
Koolman y yuinan; Alicia Dania y Josue Hernandez y yuinan
Mescos cu sobrina: Dianhdra, Sherwin y Jarred Howell

Nieto y bisanietonan, Ihanan, comer y compernan, primo y primanan, bisña stima Irma Kock y famia, amigo y amiganan, Staf y personal Huize Marie Stella seccion Anglo y Aloe

Y demas famia:

Dania, Loefstop, Loopstok, Hoek, Ras, Suarez, Maduro, Danje, Villacis, Silvestre, Willems, Bakmeyer, Wout, Peña, Alberts, Robert, Henricus, Desbarida, Helder, Kelly, Franken, Werleman, Paesch, Vrolijk, de Lange, Kock, Koolman, Croeze, Navas, Leon, Villes, Boekhoudt, Dabian, Croes, van der Biezen, Howell y Erasmus

Demas famia na Corsow: Leito, Montesant, Pieters, Senior y Foe

ta invita tur amigonan, bisiñanan y conocirnan pa e acto di condolencia y entierro cu lo tuma lugar diasabra 30 di maart 2024 na Aurora Funeral Home. E restonan mortal di Teofilo lo ta reposa di 2'or pa 4'or di atardi na Aurora Funeral Home. Despues lo sali pa Santana Central na Sabana Basora.

Despues di entierro no ta ricibi bishita di condolencia na cas.

Lo tin un box disponibel na Aurora Funeral Home pa donacion pa obranan caritativo.


Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Cu dolor na nos curason, nos ta participa fayecimento di nos ser stima:



Julieta Altagracia Gordon
Petro Suarez
*19-08-1960 - †13-03-2024

Casa: Erico Petro Suarez

Yiunan:
Egbert Gordon
Marco Donato
†Jason Gordon

Nietonan:
Shemar Gordon
Tshwan Gordon
Jace Gordon

Rumannan:
Charlie Dossett
Ruby Dossett

Sua:
Francisco Petro Suarez

SUBRINO(A), PRIMO(A)NAN, FRIENDS AND FAMILY Y DEMAS CONOCIRNAN

Ta invita pa acto di despedida lo tuma lugar na Aurora Funeral Home diaranson 27 di maart 2024 di 2'or pa 4'or di atardi. Cremacion lo tuma lugar despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

E amor nunca lo disperse mi ta simplemente na e otro banda, ey mi lo sigi biba den brasa di mi Dios tata

Nos ta anuncia fayecimento di:



Lisana Marcolina Wever
Cariñosamente yama "Pepe Lisana, Dudu"
*27-07-1937 - †23-03-2024

Na number di su:

Yiunan:
Reynold y Marybel
Nelly y Jaime
Rosana y Emilio
Pier y D
Lexie y Nirvana

Nieto/nietanan:

Kerby y Sam
Jaime Jose y Liseth
Lismar Briesen
Emilio y Claudia
Lissey y Shaquille
Danny
Pier Angelina
Xavice y Qiandra

Bisanieto/bisanietanan:

Lianney, Habillianne, Xeyly, Habib, Miranda y Xaviandra

Cuña: Saritha Wever

Subrino/subrinanan:

Michelle y Ronald, Amira, Henry y Raquel, Tico y Vivian, Jeffrey, Lloyd y Froukje, Peter y Liesje, Miangela, Danilo, Luisa, Lupe, Orangel, Anita, y Yuli.

Primo y primanan na Venezuela.

Un danki special na Geraldine, Shakira y henter e team di Cas Amada 60+.

Demas famia: Wever, Solognier, Fernandez, Bonini, Martinez, Wijckelsma, Ramkisson, Briesen, Falconi, de Goeiy, Ras, Chirinos, Grovell, Hidalgo, Kock, Croes, Westerburger, Irausquin, Silva, Solagnier.

Ta invita tur famia, amigo(a)nan, bisañanan, amistadnan y conocirnan pa asisti na acto di condolencia y entierro cual lo tuma lugar na Aurora Funeral Home diamars 2 di april 2024 di 1:30 pa 4'or di atardi. Despues lo sali pa Santana Central Sabana Basora.

Despensa nos si den nos tristesa nos por a lubida un of otro persona.

Ta duel nos, pero despues di entierro nos no por ricibi bishita di condolencia na cas.

Nos ta pidi porfavor si por pone celular na silencio y no saca potret.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

1 Thessalonians 5:11
Pesei kurasha I yuda otro krese manera boso ta hasi caba.

Cu inmenso tristeza nos ta anuncia fayecimento di:

Sra. Rita Bartolomea Winterdaal-van der Biezen

*23-10-1954 †22-03-2024



Na number di su:

Casa: Luis Beltran Winterdaal

Yiunan:

Siera
Steven y Nora
Shereldine y Zigo
Marien y Andy

Nieto y nieta nan:

Nathan y Dona, Natselane, Nathaniël, Tariq, Tairienne, Stephanie, Cherzion, Cherrylaine, Jake.

Biesanieto:

Nicky, Roro

Rumannan:

Maria van der Biezen
Cerilo van der Biezen y Lily
Tina, †Mario Tromp van der Biezen
Azusena van der Biezen
Angelo Croes
†Deto y Alixon van der Biezen Brisneda
Tino y Claudia van der Biezen Ras

Subrina y subrino nan :

Edgar, Jonathan, Gillianne, Gilbert, Jedediah, Maurin, Kendrick, Kimberly, Wesfalia, Nathalie, Gabriela, Agnieszka, Julian, Haime, Matdalie, Dylon, Mylon, Anastasia, Igmari

Tanta nan :

Mena, Agricola, Tina, Dela, Nini
Ihanan : Rose-ann y Rachel

Swa y Cuña nan:

Herman y Vera Winterdaal Croeze
Mercedes y †Gilbert Ponson Winterdaal
Juan y Glenda Winterdaal Pietersz
Victor y †Filomena Winterdaal van der Linden
Rogelio Winterdaal

Amistad nan di Cas :

Maito van der Linde esposa y famia
Humberto (Boechi) Geerman esposa y famia
Soily Dugarte
Ruben Willems esposa y famia
Raquel, Erick y famia
Susan, Marc y famia Martha Hernandez
Suyen, Jordan y famia
Adri de Palm esposa y famia
Mitchel, Betsa y famia
Hubert Kelkboom, esposa y famia
†Albert(Boei) y Sara Arends- Mansur
Mary Jeanne y Zyqion Jones Elvira Maduro y famia

Demas famia nan :

Winterdaal, van der Biezen, Jones, Lacle, Diaz, Tromp, Lopez-Barona, Valdink, Ponson, Vrolijk, Thiel, La Rosa, Ras, van der Linde, Noguera, Farro, Eckmeyer, Petrochi, Gomez, Abma, Quandt, Peasch, Arends-Mansur, Kelkboom, Colina, Almary, Maduro, Henriquez, Koolman, Hereira, Schwengle, Curiel, Croes, Donata, Webb, Dugarte, Kock, Jacobs, Martijn, Le Grand, Rosina.

Disculpa nos si a lubida un otro famia of amistad nan den nos momento nan di tristesa

Condolencia lo tuma lugar diahuebs 28 di maart di 7or pa 9or di anochi na Aurora Funeral Home.

Acto di entierro lo tuma lugar Diasabra 30 di maart di 9or di mainta pa 11 or di mainta na Aurora Funeral Home y despues lo Sali bai pa Santana Central na Sabana Basora.

FOR ALL YOUR FLYER DISTRIBUTIONS



Call: 582-7800
email: accounting@cspnv.com




Brug na Baltimore ta collapse despues cu barco di carga ta dal contra dje

(AP) - Un barco di carga-mento a dal contra Baltimore su Francis Scott Bridge diamars, causando cu e brug a colapsa y un buskeda masivo a cuminsa pa haya por lo menos 6 persona perdi.

E operadornan di e barco di cargamento Dali a emiti un yamado di emergencia cu e barco a perde electricidad momentonan prome cu el a dal contra brug, pero e barco a sigui bay dilanti na "velocidad hopi hopi halto," gobernador di Maryland Wes Moore a splica.

E barco di 300 meter largo a dal un di e brug su sosten di 2.6 kilometer, causando cu esaki a kibra y cay den awa dentro di secondenan y e barco a pega na candela. Synergy Marine Group, cual ta maneha e barco, a bisa cu e tabata den control di un of mas piloto, cual ta specialistanan local cu ta yuda nabega e barconan aki den e wafnan di manera sigur.

Un inspeccion di e barco juni ultimo na un waf di Chile a identifica un problema cu e barco su "makineria di auxilio y propulsion," segun Equasis, un sistema di informacion di cargamento. E deficiencia ta involucra entre otro



thermometer, sinembargo e website su recordnan online no a elabora. E inspeccion mas recien di Dali a ser haci pa Warda Costa Mericano na New York den september di aña pasa. E "examinacion standard" no a identifica ningun deficiencia, segun e data di Equasis.

Den juni ultimo, inspeccionnan federal a constata cu e brug di 47 aña tabata den un condicion aceptabel. Sinembargo e estructura aparentemente no tabatin proteccion di pier pa por wanta e golpi, expertonan a bisa. "Si e pier di un brug cu no tin suficiente proteccion ricibi golpi di un brug di e tamaño aki, no tin hopi cu e brug por haci," segun Virginia Tech su profesor di ingenieria Roberto Leon.

Dos persona a keda rescata

sinembargo segun e oficialnan te ainda tin 6 persona perdi. Tur ta parti di un ekipo di construccion cu tabata drechando buraconan na e brug. Varios vehiculo a cay den e awa, aunke e autoridadhan no ta kere cu ningun persona tabata den nan.

E barco ta propiedad di Grace Ocean Private Ltd di Singapore, cual a bisa cu tur miembro di e ekipo, incluyendo dos piloto, tur a ser rescata y no tabatin reportahe di herida riba ningun di esunnan uc tabata abordo. E barco su advertencia a permiti autoridadhan limita e vehiculonan riba e brug. Ademas, e accident a tuma luga 1:30 di mainta, cual ta oranan prome cu e trafico di mainta. E brug ta mira un averahe di 30,800 vehiculo pa dia segun e calculacionnan di aña 2019.



E colapso ta sigur di crea un pesadilla logistico pa lunanan si no añanan largo den e region, cortando trafico di barco den e waf di Baltimore, un punto grandi di cargamento. E accident tambe lo stroba trafico comun. Tur trafico di barco den y fuera di e waf a ser suspendi te proximo viso, aunke e waf te ainda ta habri

pa truck, segun Maryland Transportation Secretario Paul Wiedefeld a bisa.

President Joe Biden a bisa cu e tin plan di biaha bay Baltimore "lo mas pronto cu e por" y ta premira cu e gobierno federal lo cubri tur e gastonan di reconstrui e brug.

Grupo militante Libanes Sunni ta bisa cu coordinacion cu Shiite Hezbollah ta vital pa lucha contra Israel



(AP) - E hefe di un grupo militante y politico Libanes Sunni cu a uni na e grupo militante Shiite Hezbollah den su lucha contra Israel la Lebanon su frontera a bisa diamars cu e conflicto a yuda fortalecer cooperacion entre e dos gruponan.

E Secretario-General di al-Jamaa al-Islamiya of e grupo

Islamico Sheikh Mohamed Takkoush a bisa cu su fraccion a dicidi di uni na e lucha cu tin na e frontera di Lebanon cu Israel a causa di Israel su ofensiva na Gaza Strip y su atakenan contra e barionan Libanes cu a asesina ciudadanonan, incluyendo reporteronan, desde cu e guerra di Israel y Hamas a cuminsa. "Nos a dicidi di uni na e bataya como un respon-

sabilidad moral, religioso y nacional. Nos a haci esaki pa defende nos tera y barionan," Takkoush a conta The Associated Press na e grupo su base di operacion na Beirut. "Nos tambe a haci esaki den sosten pa nos rumannan na Gaza," unda el a bisa Israel ta cometiendo un "masacre."

Takkoush a bisa cu e ta kere cu Israel tin ambicion di confisca mas territorio "no solamente na Palestina sino na Lebanon tambe."

E Grupo Islamico ta un di Lebanon su fraccionnan principal Sunni pero tambe el a mantene un perfil abao politicamente durante e añanan. E ta un miembro di Lebanon su legislatura di 128 asiento. Eleccion dentro di e grupo den aña 2022 a trece su liderazgo mas cerca na Hamas. Manera Hamas, e ta inspira

pa e ideologia di e movimiento Islamista Pan-Arab yama Muslim Brotherhood, funda den Egipto den aña 1928 pa un docente di scol cu a bira un ideologo Islamico Hassan al-Banna.

Tambe Takkoush a aclarar cu su grupo ta tuma su propio decisionnan den e campo pero ta coordina di cerca cu

Hezbollah, y cu e sucursal Libanes di e grupo militante di Palestino Hamas. "Parti di e atakenan (contra forsanan Israelita) tabata den coordinacion cu Hamas, cual ta coordina cu Hezbollah," el a bisa agregando cu cooperacion directo cu Hezbollah "ta den aumento y ta ser refleha den e campo." E no a elabora mas.



Kenya lo cuminsa duna familiarnan e curpa di e 429 miembro parti di un secta di fin di mundo

(AP) - Kenya su gobierno riba diamars a cuminsa duna familiarnan e curpa di 429 miembro di un secta di fin di mundo ta den centro di un caso legal cu a impacta e pais.

Curpanan cu a ser saca for di un tereno grandi na costa di Kenya a muestra señal di a pasa hamber y strangulacion. E lider di e secta Paul Mackenzie ta acusa di a pidi su siguidornan keda sin come te ora cu nan muri pa nan topa Jesus y awo ta enfrenta acusacionnan cu ta inclui asesinato. Autoridadnan ta usando test di DNA pa yuda identifica curpanan y nan familiarnan. Riba diamars, e prome curpanan a ser otorga na e familiarnan. Emocionnan a core halto na Malindi mientras e famianan tabata busca e curpa di nan



ser keru pa bolbe dera nan.

Francis Wanje, un tata cu a perde su yiu y 7 otro familiarnan, a señala na 4 curpa. "Nos a perde 8 miembro di nos famia," Wanje a bisa. "Nos mester a haya 5, pero a ser bisa cu un di e muchanan no ta match e DNA. Awo nos a ser duna

solamente 4 curpa. Te ainda nos tin speransa cu den futuro, nos lo haya e otro 4."

Mackenzie y otro decenas di su asociadonan a ser acusa den februari cu tortura y asesinato di 191 mucha. E huicio ta cuminsa dia 23 di april. Minister di Interior Kithure Kindiki a declara



Mackenzie su Good News International Ministries un grupo di crimen organisa. Mackenzie ta cumpliendo un sentencia di prizon separa despues di ser haya culpabel di opera un studio di pelicula y produci peliculanan sin un licencia valido.

furioso a puntra con autoridadnan no a ripara señalnan di asesinatonan en masse anteriormente. Kenya su Human Rights Comission siman pasa a bisa cu polis no a logra actua riba reportahenan cu por a preveni fayecimento den e area di Shakahola.

Algun ciudadano di Kenya

Lider di Hong Kong ta bisa cu detenidonan pa crimen di seguridad nacional ta menos probabel di ser libera prome cu cumplimiento di sentencia

(AP) - Hong Kong su lider a bisa diamars cu e prizoneronan condena pa crimennan serio di siguri-

dad nacional no ta probabel di ser otorga libertad prome cu cumplimiento di sentencia bao e reglanan

cu a ser haci mas estricto bao un ley di siguridad nacional nobo, señalando un gobierno cu ta posicionando su mes fuertemente contra activistanan local politico.

Hefe ehecutivo John Lee a bisa cu Safeguarding National Security Ordinance ta stipula cu personanan cu ser haya culpabel di pone den peliger e siguridad nacional no mester ser otorga remision al menos cu e comisario di e servicicion coreccional ta kere cu e movida no lo ta un riesgo pa siguridad nacional. Esaki tambe ta aplica na prizoneronan cu a ricibi sentencia prome cu e ley nobo a ser introduci diasabra ultimo, Lee a bisa.

Anteriormente, e detenidonan por a ricibi reduccion di nan sentencia te cu un tercer parti cu bon conducta bao e ciudad su reglanan di prizon, siempre y cuando nan ta cumpliendo sentencianan cu ta mas largo cu un luna. Na un conferencia di prensa, Lee a urgi e residentenan pa no bay contra e ley aki. "Nos mester sigura cu tur hende ta compronde cu si un persona ser condena pa un ofensa serio di siguridad nacional, normalmente no lo



tin e remision di un sentencia," el a splica.

Lee su comentarionan a bini despues cu media local, incluyendo South China Morning Post, a reporta cu e liberacion tempran di e activista Ma Chun-main, cual

mester a pasa dialuna, a ser blokia bao e ley di siguridad nacional nobo. E remision a ser otorga a causa di su bon conducta y e blokeo tabata e prome di su tipo, segun e reportanena cu fuentenan no nombra.

SETAR ta participa fayecimento di nos colega:

Sixto Dirksen

Acto di entierro ta tuma luga diahuebs 28 di maart 2024 di 9.00 am pa 11.00 am na Misa Inmaculada Concepcion na Santa Cruz.

Gerencia, Staf y Personal di SETAR N.V. ta extende palabra di condolencia na famia y conocirnan di nos colega Sixto.

Cu Sixto sosega na paz.